

DISSERTATIO ⁴

INAUGURALIS
MEDICO - PRACTICA
DE

DYSENTERIA

QUAM
ANNUENTE INCLYTA
FACULTATE MEDICA

IN
ANTIQUISSIMA AC CELEBERRIMA
UNIVERSITATE
VINDOBONENSI

PRO
DOCTORATUS LAUREA, SUMMISQUE IN MEDICI-
NA HONORIBUS, ET PRIVILEGIIS LEGITIME
CONSEQUENDIS
PUBLICÆ DISQUISITIONI
SUBMITTIT.

ANTONIUS CRUCIANI,
ISTRIANUS BOGLIUNENSIS

Disputabitur in Universitatis Palatio

Hora die Mensis Augusti Anno MDCCLXXXIII.



V I E N N Æ,
TYPIS CHRISTIANI FRIDERICI WAPPLER.

PERILLUSTRI, CLARISSIMO,

AC

CELEBERRIMO VIRO

MAXIMILIANO

STOLL

SALUBERRIMÆ MEDICINÆ

DOCTORI

SACRÆ CÆSAREÆ REGIÆ

APOSTOLICÆ MAJESTATIS

CONSILIARIO

IN ANTIQUISSIMA, AC CELEBERRIMA UNIVER-

SITATE VINDOBONENSI PRAXEOS MEDICÆ

PROFESSORI PUBLICO ORDINARIO.

NOSOCOMII SS. TRINITATIS

PHYSICO.

THE NEW YORK PUBLIC LIBRARY

ASTEN LENOX TILDEN FOUNDATION

500 N. 5TH ST. NEW YORK, N. Y.

1912

RECEIVED

LIBRARY

OF THE

CITY OF NEW YORK

1912

LIBRARY

OF THE

CITY OF NEW YORK

Practici quid scribere semper erat animus, cujus autem nomini tale studiorum meorum specimen potissimum nuncuparem, deliberandum haud diu mihi fuerat; siquidem VIR CELEBERRIME! nemini magis, quam TIBI EIDEM reddendum putabam, TIBI, cui non solum Discipuli bene merentes, sed & labores eorum adeo cordi sunt, ut eos propriis, & TUORUM publice anteponas commodis; TIBI potissimum ea, quæ observando didici, quæ in curando novi, TUIS indefessis laboribus, TUÆ pertinaci diligentiae in acceptis refero; a TE UNO didici, quo animo eum oporteat esse, qui apud

ægrorum lectum discere, qui proficere velit: an igitur æquius quid erat, quam ut **ILLI** fructus reddam, cujus labore nascebantur? diu reluctabatur modestia **TUA**; cessisti tandem grati animi precibus; verebaris enim, ne forte in laudes **TUAS** excurrerem; ast **VIR CELEBERRIME!** haud invitus illas præteribo, quamve legem **TUA** mihi imposuit modestia, lubens servabo; veritus paucioribus verbis, quam hæc pagellæ complecti possint, ne potius illæ offuscentur. Non eget equidem immensa **NOMINIS TUI** amplitudo rudi, ac ineleganti ingenii mei vena; loquuntur eam eximia,
quæ

*quæ publici juris fecisti opera,
dum illa, quæ in Nosocomiis, qui-
bus feliciter præes ad ægrorum
salutem gesta essent, intra exigui
temporis, locique terminosos con-
clusa, oblitterataque, sua etiam
apud alios utilitate ne carerent,
tam exacte, tam lucide conscri-
benda, typoque tradens, utilita-
ti totius orbis devovenda IPSE
in TE suscepisti: eam agnoscunt
exteri, qui undique frequentes
huc confluunt, ut thesauris hic
haustis, ditati, domum redeunt
undique salutem, & laudes TUAS
per populum spargant; celebrat
eam vasta hæc Civitas ob servatos
tam eos Cives, qui in Nosocomiis*

*practico & SS. Trinitatis salutem
suam TIBI concrediderunt, quam
eos, quorum summa in TE loca-
batur fiducia, quosque in hac ip-
sa Urbe, operosa indagatione ab-
ditissimarum causarum, felicissima
applicatione TIBI propriæ me-
dendi methodi, in qua viam, a
natura indicatam, auscultans, se-
quebaris, aut e tramite deceden-
tem prudentissime revocans, ex
orci faucibus eripuisti, vitæque
tradidisti ovantes; eam gratissimo
animo tota Discipulorum fatetur
cohors; non enim IPSE sedulo
omnia observas SOLUS, quæ cir-
ca ægros fiunt, sed & ipsos Stu-
diosos ad observandum adigis;
ægros*

*ægros a capite ad calcem TUO
more examinans, statum morbi
ab ovo inquiris, atque dilucide
omnia explanas, quæ tali in casu
Medico sint agenda, quid felicius
Medicinæ Studiosis obtingere pos-
set? quid jam esset, quod juvenem
Medicum in praxi firmiorem red-
deret? ita profecto rem instituis,
ut juvenes TUOS Discipulos, jam
in ipso ætatis flore medicæ sene-
scere facias: sed vel in his ennu-
merandis vereor, ne verecundiæ
non satis parcam, verecundiæ,
inquam, quæ SOLI TIBI TUA
merita occultat, cum interim
præclare suscepti TUI labores
unicam Studiosorum utilitatem,*

*proximi salutem, & reipublicæ
commodum spectent. Quare pa-
tere VIR CELEBERRIME!
ut TUO NOMINI in æternæ
gratitudinis testimonium has meas
consacrem primitias, eas ut rem
TUAM accipe, & intueri benigni-
s oculis, meque TUUM Disci-
pulum gratiis ulterius prosequi
non desiste. Vale.*

*Cultor TUUS perpetuus
Antonius Cruciani.*

PRÆ-



PRÆFATIO.

Præ quocunque alio morbo variam
DYSENTERIÆ faciem contem-
plari placuit, tum quod juxta men-
tem Cel. Zimmermann post pestilen-
tiales morbos, imo & pestem ipsam,
periculosissima sit ægritudo, tum
quod ubivis locorum adeo infre-
quens non sit, & Medicum eum
præprimis, qui, gliscente mali fo-
mite, sopiendis symptomatibus so-
lum est intentus, ludibrio, ægrum
vero vitæ discrimini subiciat: scri-
bens



bens utique non doctis, aut superciliosis Criticis, sed iis, qui mecum in Nosocomiis hauserunt, quive hausturi sunt Cel. Præceptoris verba. Probe equidem novi complures in describenda Dyfenteriae indole, & curatione fuisse egregie versatos, ut aut nihil, aut sane perparum desiderari videatur, quod vel ad cognoscendam hujus morbi naturam, vel ad sanam medendi rationem pertineret; quare nihil novi, atque antea nondum visi proferre videbor, (Quid, anabo, novi concentratum proferet Tyronis ingenium? deest occasio, deest tempus, deest suppellex practica) id vero quemadmodum multis lubens concedo, ut qui & plura, & perspicatius viderunt, ita vereor, ne quidam alii vocabuli

potius frequentissime prolati, atque vulgi ore triti, quam rei ipsius hoc vocabulo signatæ ideam habeant; an nomen quoddam generale Medicum unquam in sanando morbo dirigere valebit? *acuta febris* vox est vulgatissima, an propterea fors semper eadem, an eandem medelam admittit, an certam, aut firmam dat Medico indicationem? *putridam febrim* vel Tyro Medicinæ audit, sed an non eadem sæpe diversissima, diversissimam quoque requirit medelam? Me Hercle! non est ea huic morbo simplicitas, aut impermixta natura, ut nonnullis videtur, specificis suis morbum pugnantis, illius differentias, aut non, aut perfunctorie contemplantibus; atque ideo morbum simplicem visum, reipsa ple-

rum



rumque ex pluribus aliis ægritudinibus conflatum, in sua quodammodo elementa disolvere, ut inde *distinctæ*, & *directrices ideæ* nascantur, quæ Dyfentericorum medicinam tuto regant, plane versatilem, & defultoriam, qualem implexi morbi petit ingenium, ennitar. Rem, qua fieri poterit brevitate, absolvere studebo; æque parum enim verborum amplitudinem, ac elegantiam ad morborum curationem conferre, præmonente Celso, quam maxime persuasum habeo. Practicorum celebriorum in eo consului monumenta, & ad propositum meum facientia excerpti, ea adjiciens, quæ ex ore Cl. Professorum, sed ea præprimis, quæ tam ex collegiis celeberrimi in rebus Medico-practicis

Pro-

Professoris mei MAXIMILIANI STOLL,
 quam quæ ad ægrorum lectum in
 Nosocomiis Practico, & eo SS. Tri-
 nitatis, quibus idem Vir fortunate
 præest, vidi observationes, quæ
 hausi sensa. Ut autem legentibus
 unico quasi obtutu ob oculos pone-
 rem, quæ perbreves hæ complectun-
 tur paginæ, sequentem in materia
 licet adeo ampla dicendi constitui
 ordinem. Variam Veterum, & Re-
 centiorum definitionem primo loco
 contemplabor, tum sedem mali,
 dein causam variam, variam divi-
 sionem, prognosim, curam, varia
 remedia sub specifici nomine, exi-
 tum varium, prophylaxim, ultimo
 demum analogiam, quam cum mor-
 bo rheumatico habet in medium
 proferam.

Si



Si quæ ex pagellis hifce in Medicinæ Tyrones redundarit utilitas, attigi operæ meæ pretium, fin minus, inter communia vitæ humanæ fata reponam; non enim omnia possumus omnes; at illo saltem excidere scopo non potui, qui erat præprimis, ut Academicæ legi fieret satis.





§. I.

Ut quoddam veluti lucidum constituatur punctum, ex quo reliqua, quæ, quia sæpe a principio sunt remotiora, cæterum minus cohærentia, immo avullâ pœnitus, fallaque viderentur, uberrimis quasi radiis collustrentur, utque res ipsa, de qua agitur omnibus perspicua reddatur, recte omnem sermonem a rei illius definitione ordiendum, de qua differere est animus, suadet ratio.

Varia, eaque controversa inter Authores græcos de *Dysenteria* Etymologia est opinio; cæterum *Δυσεντερία* e *δύς* *difficilis*, & *εντέρον* *intestinum* composita vox, communiter latinis Scriptoribus *difficultas intestinorum* appellari consuevit. Galenus eam *Εέλκωσις εντερων* *Exulcerationem inte-*



stinorum vocat (a) item (b) describitur, quod sit exulceratio intestinorum cum inflammatione, & cruentarum, aut etiam strigomentosarum sordium excretionem, morsum, & alvi dolorem, ac intestinorum afferens: latinissimus interpret Celsus, eam per *Tormina intestinorum* latine expressit; morbum enim describens aperte ita loquitur: *proxima his inter intestinorum mala Tormina esse consueverunt* δυστερειά græce vocatur (c) ita & Scribon *Dysentericos*, id est *Torminosos* scripsit (d) Cardanus vero dubitans interrogat: *an Tormina latine, sint Dysenteriae græce, ut credam non facile adducar*; subjungit demum, *sed potius difficultas intestinorum, ut etiam nomen ipsum indicat.* (e)

§. II.

Variam *Dysenteriae* Etymologiam spectare mox licuit; quid autem mali sub hoc nomine Veteribus veniebat, dicam: Hippocrates cum suis coævis, & successo-

ri-

(a) l. 6. de L. A.

(b) in defin. medic. Galeno adscriptis.

(c) l. 4. 15. pag. 224.

(d) n. 85.

(e) lect. 33. in Hipp. de aëre p. 71. 4. 15. l. 51. 6.

ribus per Dysenteriam, quemcunque alvi fluxum intellexere, & quandocunque sanguis per alvum excernebatur (solis hæmorrhoidibus exceptis) *Dysenteriam* vocarunt: ita Duretus Dysenteriæ naturam ex mente Hippocratis expressam sic refert: *dictum est a nobis antea hujusmodi morbos* (puta Dysenteriam, Lienteriam, Diarrhæam, Tenesinum) *nasci confluentibus excrementis in alvum.* (f) *Ac Dysenteria quidem cum sanguineis dejectionibus, quocunque illæ modo exortæ sunt* (g). Hanc quoque Hippocratis sententiam confirmat supra laudatus Commentator concludens: *ergo nec semper Tormentum est intestini, nec semper ulcus Dysenteriæ causa morbifica, ut Celso placuisse video &c.* Igitur, ut paucis complectar, ac dicam, quod sentio: *Dysenteria omnis cruenta egestio est per intestina undecunque illa egeritur.* (h) Quin etiam Galenus idem sensisse videtur, dum cruentam Dysenteriam dixit *sanguinis evacuationem per intestina citra exulcerationem* (i) Eodem nomine illum quoque sanguinis per alvum fluxum vocavit,

B 2

qui

(f) Comment. in Coac. Hipp. pag. 344.

(g) Hipp. 1. Epist. Lib. Part. 2.

(h) loc. cit.

(i) in comment. Aphor. 65. Sect 5. T. 9.



qui in artuum extirpationem passis, & ob solitos labores intermissos plethoricis observatur, (j) licet idem exulcerationem intestinorum Dysenteriam dixerit, atque adesse negaverit, si mordaces humores per alvum fluxerint, antequam intestinorum exulceratio fuerit facta (k) Celsus Dysenteriam quam latine *Tormina intesti-
norum* vocat, ita describit: *intus intestina exulcerantur: ex his cruor manat, isque modo cum stercore aliquo semper liquido, modo cum quibusdam quasi mucosis excernitur; interdum simul quedam carnosae descendunt. Frequens dejectiendi cupiditas, dolorque in ano est. Cum eodem dolore exiguum aliquid emittitur, atque eo quoque tormentum intenditur* &c. (l).

§. III.

Visis his Veterum de Dysenteria opinionibus, cum Recentioribus *frequenti, parca, torminosa, tenesmoidea alvi depositione* Dysenteriae absolvi definitionem credo; sic enim a cæteris intestinorum morbis sat bene eandem distingui arbitror.

Boer-

(j) idem comment. 4. in Hipp. de artic. T. 12. pag. 450.

(k) Comment. 2. l. 2. Epid. T. 9. pag. 138.

(l) l. 4. c. 15. pag. 224.

Boerhavii , quam in Aphor. 815. complectitur, minus placet definitio, & eam potius *Diarrhæam torminosam*, vel si vis *Dysenteriam spuriam* dicerem; in Dysenteria enim copiosa alvi dejectio desideratur, quam ibidem Cel. Vir supponit; cæterum a draſtico aſſumpto ortam hypercatorſim, quæ plerumque cum dolore adest, *Dysenteriam* vocares.

Cruoris per alvum excretio nullum certe eſt Dyſenterię pathognomicum ſignum, cum ſæpe abſque ullo tenesmo, aut torminibus obſervetur, atque ideo ad Diarrhœam cruentam referrenda; præterea non raro materies bilioſa, mucoſa, atrabilaria per alvum ruere obſervatur cum tenesmo moleſto, & torminibus validis, quæ propterea Dyſenterię nomine inſigniri haud deberet. Hæmorrhoidalis ſanguinis fluxus cum dolore ſæpius quidem prodit, verum a Dyſenteria in eo diſtinguitur, quod ille præcedat fæces, ubi in hac vel poſt, vel cum fæcibus exit. (m).

Sola *tormina* juxta Celfum ideam morbi confundunt potius, quam declarant, licet enim nulla detur Dyſenteria ſine torminibus; plurima tamen excruciant mortales tormina, quod variæ colicæ ſpecies

B 3

te-



testantur, quin propterea ullus, nisi peregrinus in republica Aesculapea, miserrorum tormina Dysenteriam appellare praesumat.

Non denique *exulceratio intestinorum* juxta Aeginetam ad mentem Galeni, cum contra morem aliarum partium nervosarum, quæ acri colluvie jugiter irrigatæ vix, aut ne vix quidem coalescunt, Dysenteria tamen non raro opinione citius penitus persanetur.

§. IV.

Sedes mali intestinalis tubi membranae sunt; constat enim ex cadaverum sectione, intestina crassa præcipuam Dysenteriae præbere sedem, & inter hæc intestinum Colon præprimis; morbum deinde ad Rectum descendere; huic omnium ultimo valedicere. Sed quæ hujus ratio? fors inde repetenda, quod intestina crassa magis carnosæ sint, sanguine magis irriguæ, atque adeo laxa magis, unde fit, ut humorum acrium copiae, fluxui, atque actioni multo minus resistent, quam tenuia, quæ membranosa magis, & exangvia sunt; adde quod humorum acrimonia in tenuibus intestinis a chylo, qui illorum perluit cavitatem, temperetur, & demulceatur; quod in crassis non accidit, chyli præsentia ferme destitutis, & in
qui-

quibus præterea excrementa acria ob suos exaltatos sales causæ morbificæ actionem juvant, ne quid dicam de illorum rugis, atque celulis, humores morbum facientes diutius retinentibus.

Paulo rarius eidem morbo (bono quidem omine) subjacent intestina tenuia, & non nisi morbo diutius durante, morbo regimine malo exasperato: id vero noscere proficuum est, siquidem periculum majus in hoc, quam in priori casu, instat; quare locus doloris, doloris genium, tempus inter tormina, & factam excretionem interjectum est consulendum; dum enim dolor circa umbilicum, & magis in regione epigastrica; velut cultris dilanians adest, quando etiam præter frequentes nauseas, & anxietates, tardior post tormina excretio cruoris, aut materiæ alterius plus fæcibus commixtæ sequitur, tunc tenuia intestina vitiata videntur; crassa contra pati verosimile est, si dolor infra, & pone ventriculum, nec non circa hypochondria remissior, obtusiorque percipitur, si minor sit nausea, & invaletudo, si demum celeri post tormina dejectione sanguis, aut quæcunque materies cum excrementis confusa minus prodeat (n).

B 4

§. V.

(n) Bagl. loc. cit.



§. V.

Verum & causam tanti mali in medium proferre suadet ordo: hanc quantum complector animo, duplicem agnoscunt Practiti: *proximam* aliam, aliam vero *remotam*.

Proxima Dysenterix causa est acre ad membranas intestinorum depositum irritans intestina, eaque ad frequentem excretionem sollicitans, cum validis torminibus, & tenesmo.

Remota partitur in eam, quæ corpori inhærens *προνυμενῇ* sive *prædispones* ad suscipiendum morbum dicitur, qualis est idiosyncrasia Hystericis, & Hypochondriacis frequens, aut cacochymia biliosa, atrabilaria, mucosa, scorbutica, arthritica, venerea, temperamentum laxum, vitæ regimen, morbus prægressus, potissimum Dysentericus; aut alius quiscunque fluida cum solidis immutans, Epidemia. Et *προκαταρκτηκῇ* *excitantem*, seu *occasionalem*, quæ prædisponenti juncta, junctis viribus eo colimant, ut causam proximam generent, atque adeo ipsum constituent morbum.

Hanc Veteres sub *sex rebus non naturalibus* spectabant, quam commodius Boërhavius, atque indagini longe aptius immortalis Vir in quatuor classes redegit; harum singulam breviter percurram, visurus

rus an non & singula classis ad morbum hunc quid contribuere possit.

§. VI.

Ingesta: omnium primo præcipuum illud vitæ pabulum, *Aer* scilicet, seu pravis, corruptis, & (ut verbo dicam) acribus, aut acidis exhalationibus turgeat; arsenicalibus puta, vitriolicis, aluminosis &c. e variis terræ criptis apertis, aut hiantibus elevatus, aut aliis halitibus abundet, ex cadaveribus post belli strages, ex aquis, lacubus, & stagnis putridis, aut aliunde manantibus, vel perverfis tempestatum ordine, atque temperie in crasi sua vitietur, atque adeo ignota qualitate peccans, spirando haustus, miasma Epidemicum ad summum subtilitatis, ac volatilitatis gradum evectum, corpori communicans, mox facit, ut sani cæteróquin homines, Dysenterico huic miasmati succumbere cogantur; & non raro in ipso morbi principio illico prosternantur vires, non a copia materiæ excretæ exhausto corpore, sed venenata quasi vi miasmatis suscepti deleto robore, quod perbene castrenses noverunt Medici.

Fertilem Dysenterię causam esse aerem effluviis putridis impregnatum ex
B 5 ill.



ill. Boerhavi Commentatore (o) sponte patet, ubi Medicum moribundi Dysenterici fæces examinantem, tetro illarum halitu adflatum, illico in eundem morbum delapsum asserit; multosque sibi hunc morbum contraxisse, dum lintheamina Dysentericorum fæcibus conspurcata munderent, testatur Degnerus (p). Non minus stragula, vestimenta &c. squallore hocce putrido contaminata virus Dysentericum aliis tradere apta sunt reperta notante Cl. Ellero (q); sed & hominem, qui sanguinem humanum per aliquot menses phialæ inclusum, putridumque olfecerat, vera Dysenteria correptum affirmat Pringle (r).

Vicissitudines notabiliores aeris jam ficci & humidi, jam calidi, frigidique Dysenteriae producendæ comprimis favent; quare & Cel. Zimmermann (s) frigus ante solis ortum subsequenter meridiana magnum calorem, atque hunc excipientem noctem frigidam, & humidam, potissimam statuit causam morborum castrensiū, atque adeo etiam *Dysenteriae*,
in

(o) Swict. comm. ad. p. 977.

(p) de Dysent. c. 1. §. 41. pag. 32.

(q) Sect. 13. de Dysent. Epid. pag. 270.

(r) de Dysent. cast. sect. 3. c. 6.

(s) de Dysent. c. 3.

in castris siquidem magis expositi sunt vicissitudini aeris, aeri humido, rori, pluviisque continuis.

Verum juxta Hippocratem: *mutationes anni temporum maxime pariunt morbos; (t) & alio in loco: siquidem hyems sicca, & aquilonia fuerit, ver autem pluviosum, & australe, æstate necesse est febres acutas fieri; & opthalmias, & Dysenterias, maxime autem Mulieribus, & Viris natura humidis. (u)* Solida enim per siccum hyemale frigus roborantur, sed & eodem tempore fluida simul compinguntur; accedente vero pluvioso veris calore enervato valorum tono, & liquatis humoribus coluvies serosa nascitur, quæ mora & calore atmosphæræ corrupta per arterias mesentericas ad intestina delata, tam copia, quam acri suo stimulo Dysenteriam causat; id autem præcipue Mulieribus, & Viris natura humidis, quod ob flaccidam aliunde solidarum, & mucosam plerumque humorum diathesim, insensibili perspiratione, aut alia via hanc cacohymiam excutere nequeant; tum prosequitur. Si vero *hyems australis & pluviosa, & tranquila sit, ver autem siccum, & aquilonium, cæteris mortalibus Dysenteriæ fiunt,*
Ver-

(t) Apor. 1. Sect. 3.

(u) Idem Aphor. 11. 1. c.



Vernales nobis dictæ. (v) Siquidem excernendi humores intra cutis spiracula frigore verno constricta retinentur, tum stagnatione corrumpuntur, simulque tunc temporis aucto vasorum elatere, ad intestina modo laxiora repulsi turmatim alvo torminosa eliminantur.

Quamquam nulla sit anni pars, in qua Dysenteria observata non fuerit; observatis tamen omnium ferme in arte peritissimorum Virorum confirmatur, sub finem æstatis, jam ingruente autumno, Dysenterias sæpius, easque etiam epidemice præ alio quocumque tempore grassari, etenim æstivo calore rarefactis humoribus, fluidiora dissipantur, & laxato pororum tono augeatur perspiratio, retinentur crassiora, eaque acriora fiunt eo facilius, quo magis oscula exhalantium vasorum aëre autumnali partim humido, partim frigidiusculo oppilata perspirabiles humores colligunt, qui a venis bibulis resorpti quidem, sed suppressa jam perspiratione ad intestinorum membranas ruentes, Dysenteriam toties perniciosam generant, de qua olim Hippocrates meminit inquiring, *Autumno autem, & multi ex æstivis — — & Dysentericæ (w)* tum alio in loco: *in autumno morbi acutissimi, &*
per-

(v) idem Aphor. 12. l. c.

(w) Aphor. 22. Sect. 3.

perniciosissimi omnino (x) accedit, quod hoc anni tempore frequentes habeantur aëris vicissitudines, quas ad mali hujus genefim plurimum conferre jam superius monue-
ram.

Constanti insuper, & antiqua etiam observatione evictum testatur Cl. Bringle (y), illa anni tempora, quibus mulsæ, erucæ, aliaque insecta generantur, uberri-
mas quoque Dysenterias produxisse; non vero id propterea, quasi hæc animalcula illius causa forent, sed quod eadem causa, quæ Dysenterix favet, faveat etiam ejus-
modi insectis, quæ & Zimmermanni (z) mens est.

Plura de aëre utique dici adhuc pos-
sent, sed hæc ad scopum meum sufficiant
credo.

§. VII.

Alimenta prava, & corruptibilia cui-
cunque regno natales suos debeant, morbo
huic producendo sunt paria; unum instar
omnium argumentum est fames in aliqua
regione, aut obsessa urbe, vel in militum
castris regnans, quam ut plurimum dysen-
te-

(x) Aphor. 9. Sect. 3.

(y) Sect. 3. c. 6.

(z) de Dysent. c. 3.



tericus sequitur alvi fluxus ob prava, acria, & ab usu aliena commesta edulia, porros, cæpas, allia, olera cruda, vel (sit fides penes Authores) aëre corrupta, vel nebulis, & pluviis pernitiolis infecta, aut insectorum exuviis imbuta, herbas varias, earumque radices : cerealia semicorrupta, & suffocata fracedine, dum pane inde confecto vesci coguntur homines ex annonæ penuria, Dysenteriam producere affirmat L. B. van Swieten (aa) *Origo Dysenteriae*, inquit Hoffmannus *plerumque derivanda est a maligno, venenato rore, qui fructus agrestes obsidet* (bb) adeoque fructus horreos præ reliquis Cl. Vir maxime inculpat (cc) dum acri & toxica pruina non absterisa, frigida, vel cerevisia recente superpota, imprudenter ingurgitantur. qui tam ex pulpofa sua fabrica, quam mutabili tunc admosphæra perfacile corrupti, calore corporis interno summum acorem contrahunt, atque intestina ad crebras dejectiones sollicitant; sicque Dysenteriae aliquam causant speciem.

Nollem tamen, quis universim fructus horreos inculpet; dissiteri enim nequeo permultos Medicos, eosque claros

(aa) in com. ad §. 977.

(bb) Part. 1. de diæt. §. 14. Tent. 3.

(cc) ibid. Tent. 1. §. 19.



ros esse Viros, qualis Strakius, Tissotus &c. qui e fructuum horræorum usu dysenterię ortum negent, quin ab his ipsis præsidium, & medelam suomet in corpore restentur, novi præterea Cel. Zimmermann scopo prophylactico svasisse hos fructus; verum in illos culpam rejiciendam puto, qui immaturi, corruptive jam, vel facile corrumpendi, aut difficulter digerendi ingeruntur; ingesti siquidem immaturi, vim eludunt ventriculi præcipue debilis, aciditatem suam magis ac magis extricant, quæ dein intestinorum lacerat tunicas, atque sanguinem, salibus acidis in dicta intestina denuo per motum circularem refluentibus, inficit, aut iidem fructus ad fermentationem suscipiendam, propter laxam particularum suarum texturam, juvante potissimum calore viscerum, fermentare incipiunt, aër tum, silvestre Gas Helmontii, rarefactus, tono fibrarum hac ipsa expansione enervato, sponte accescunt, atque acri stimulo, intestina irritant, erodunt, & Dysenteriam generant; aut denique iidem male subacti, corruptelam pravam inducere, & in putridam, acremve mutantur colluviem, unde acriora, & magis irritantia fiunt excrementa; atque inde deducendas puto, colicas illas passiones, sævaque ventris tormina, quæ cum borborygmis, totiusque abdominis strepitu homines a fructuum copioso,

&

& immoderato esu divexare sunt solita.

Eadem prorsus ratione agunt dulcia, sacharata, mellita, & saponacea, si nimia quantitate, aut longiori usu assumantur, præter quod apta sint ad fermentationem, vi sua solvènte vias primas muco naturali spoliando, tunicam villosam erosioni obnoxiam faciunt, debilitant intestina, unde facilius ad hæc acre dysentericum derivari potest.

Verum animalium etiam quæcunque partes, ipsa adeo illorum producta, utpote ova, lactis oleosæ partes, cremor, butyrum, caseus ipse ad Dysenteriam producendam apta nata sunt, quatenus suapte natura jam alcaliscente fomitem dysentericum proprio sinu foveant; adeoque acrimonia putrida, vel calore aëris extra corpus contracta, vel eadem in ipso corpore debili cæteroquin, aut cacochymico extricata, causam Dysenteriae absolvunt.

Potus aquæ frigidæ æstuante corpore, aquæ foetentis, vermibus, & insectis variis divitis, potus aquæ crudæ per cupreos canales fluentis, aut per fodinas mineralium erodentium transeuntis, stimulis salinis, vitriolicis, arsenicalibus impræguatæ non minus, ac potus liquorum fermentescibilium Dysenteriae producendæ quam aptissimi sunt.

Sub ingestorum classe *Medicamenta* itidem pugnant, purgandi potissimum scopo assumpta, quæ aut nimia dosi, aut longiori usu, aut virtute sua drastica, & virulenta, crebras evacuationes excitant, sicque mucum auveruncando, erosio tuni-
cis alvum cruentam cum tenesmo, & dolore, atque adeo Dysenterix quandam speciem producant.

§. VIII.

Gesta causarum excitantium secunda classis complectitur; verosimile profecto est *nimum totius corporis motum* Dysenteriam quoque producere posse, quatenus adtritissimis solidis, ac fluidioribus dissipatis reliqui humores inspissati, & jam sua ex indole in putredinem prona, salibus eorum, atque oleis repetito continenter adritu exaltatis, acres, rodentesque fiunt, tum ad intestina ruentes, acri suo stimulo valida tormina, & tenesmum excitant, donec per copiosam alvum exturbentur.

Non minus motus intestinorum spasmodici Hystericis, & Hypochondriacis perquam familiares Dysenterix causa fieri posse videntur, dum insigne quoddam animi pathema, ut timor, ira, terror, ingentem spirituum animalium turmam ad tubum intestinale tumultuarie detrudit; unde intestina spasmo quoddam convulsa



se contrahunt, aut motu peristaltico aucto se ipsa torquent enormi cum dolore, sicque altera sui motitatione mucum naturalem quasi deglubendo, hunc una cum contentis propellunt, exprimunt, & ad excretionem extimulant, aut paralytice quoddammodo adfecta, fæces etiam initio homines sæpe cum torminibus dimittunt.

Præterea *quies tam animi, quam corporis nimia* Hominum, qui melancoliæ, maniæ, labi hypocondriacæ, hysteriæ, morbis longis obnoxii sunt, aut in locis humidis, frigidisve cum victu dyspepto otiose vivunt, inducta sensim cacochymia scorbutica, ad Dysenteriam cooperatur.

Idem de *Somno*, atque *Vigilia* modum excedente certo quoddam respectu est intelligendum.

§. IX.

Comprimis vero Dysenteriæ producendæ sovent *Excreta nimia*, ut saliva, fucus gastricus, pancreaticus, entericus, bilis ipsa, & mucus naturalis, quorum nimia excretio Diarrhæam serosam primo, vel (pro ratione excreti humoris) biliosam, tum vi sua saponacea mucum intestinalem penitus abstergendo, aut acrimonia sua intestina rodendo, alvum torminosam, ac tenesinodem sæpe generare solet teste Hippocrate: *A meraca dejectione Dy-*

Dysenteria malum (*dd*). Alvus nimia quacunque de causa ennata, tonum intestinorum enervando, magnaue humorum, ac mucii evacuatione acrimoniam augendo, tormina abdominis atrociam excitasse idem Divinus Vates docet: *Ab alvi profluvio Dysenteria* (*ee*).

Frequentius adhuc culpanda sunt *Excernenda retenta*, quorum primas obtinet perispirabile sanctorianum, quod ceu vapor insensibilis ex omni corporis intus, extusve porosa superficie exhalans, spiraculis quacunque ratione clausis, stagnatione acrius, ac in massam sanguinis resorptum, & blandos acrimonia sua inquinans humores, præter varias in æconomia animali turbas, quam sæpissime Dysenteriam producit. Idem de sudore intellige.

An non & solitæ sanguinis evacuationes per nares, uterum, hæmorrhoides, impedito fluxu, vias præternaturales affectando Dysenteriam etiam causare poterunt? ita sane videtur, quod & Boerhavius de lochiis affirmat (*ff*).

Huc quoque referenda videtur materies quævis exanthematica, sic variolo-

C 2

sa,

(*dd*) Sect. 7. Aphor. 23.

(*ee*) Idem Sect. 7. Aphor. 75.

(*ff*) Aphor. 1329,



sa, morbillosa, miliaris, aphtosa, erysipelatos, scorbutica, venerea, arthritica, biliosa, atrabilaria, viscerum tabefactorum ichor, cancerii sanies &c. per inevitabilem quoque sæpe methastasin intestina obsidens, Dysenteria toties lethalis causa extitit.

§. X.

Postremo *Adplicata externa* corpori, ut aer frigidus æstuant corpori admissus, vapor ex sublimatione Arsenici, vel Mercurii, aut fusione Antimonii &c. cutis spiracula subiens, vel cum saliva deglutitus: *Fomentum*, aut *Balneum* frigidum, quod pro mira quorundam temperie Dysenteriam causat: *Vestes* humidæ & frigida frigore suo perspirabile reperiunt, dum pro ratione temporis citius, quam cautius mutantur: *Linimentum*, *Unguentum*, *Emplastrum*, quæ partim principiis suis oleosis poros cutaneos oppiland, diaphoresim impediunt, partim stimulo suo mixto, & per vasa bibula cutis resorpto, alvum torminosam generare observantur, quod de ungv. Artan; Pedic. contra verm; Empl. de Ran. cum *§rio* perhibetur, quin etiam *§rium* vivum externe illitum Dysenteriam inferre, observant Galli, sæpius per injectiones *§ales* luem

luem veneream curantes, narrante Etmi-
lero (gg).

§. IX.

Sua singulis placet methodus; quare
& Dysenteriae varia pro diversitate Autho-
rum habetur divisio.

Hanc alii ratione suae *Originis* in *Pro-
topaticam*, si ipsa primarius morbus fue-
rit, & in *Deutheropaticam* si natales suos
prægresso alicui morbo debeat. Alii pro
Effectus varietate in *Criticam*; dum metha-
stasis materiae, corpori nocituræ alicubi
facta per alvum critice solvitur, qualem
Bioni seni apud Silenum decumbenti Hip-
pocrates refert (*bb*). Item notante Du-
reto: *excretio critica humoris morbifici,*
& febris acutæ Senibus per Dysenteriam;
Ephæbis per hæmorrhagiam narium fit (*ii*)
sed & ratione *Genii* ipsius morbi in *Spora-
dicam*, seu vagam, quæ a causa peculiari
in variis regionibus procedens, hos tan-
tum, illosve adficit, quibus ob singularem
idiosyncrasiam, vitæ genus, aut morbos
prægressos, labile solidorum robur, aut
prædominans acrimonia inhæret, rarius

C 3

oc-

(gg) de Dysent. pag. 208.

(bb) Lib. 1. Epid. part. 3.

(ii) In Coac. Prænot. pag. 345.



occurrit, neque ab uno ad alium ita facile migrat; & in *Epidemicam* alii eam dirimunt, quæ causæ communi ortum suum attestans, omnes, aut saltem quamplurimos in eadem regione, in eodem loco degentes, diversa licet temperie præditos, variaque ratione viventes, indifferenter invadit, sæpius numerosa strage perimens, de qua plura habentur in Sydenhamo, Pringlio, Strackio, Tissoto, Ellero, Zimmermanno, aliisque, qui accuratissime omnia ad talem Dysenteriam pertinentia summa cum industria descripsere. Sunt qui & *Contagiosam* dicunt; sed an talis datur? vix crediderim, saltem contagio tali caret, quo Variolæ, Morbilli, Lues venerea, Scabies gloriantur, secus nos toties jam cum reliquis Collegis eadem fuisset aggressi, dum Dysentericorum fæces lustraremus, & inter eos sæpius verteremur, ubi vel inviti hauriebamus putidissima effluvia totis naribus: novi equidem, quæ de Dysentericorum fæcibus Swietenius, quæ de linteaminibus fæcibus iisdem conspurcatis Degnerus, quæ de stragulis, & Dysentericorum vestibus Ellerus, & quæ de Nutricum Dysentericarum lacte Home affirmat; verum ut his contagium demonstrari posset, communi causæ tales subjectos non fuisse evincendum foret; ea præterea an semper eadem? dicam.

Alii

Alii ratione *Excretæ materiæ* dividunt in *Cruentam*, seu *Sanguineam*; dum in principio vel morbi decursu striæ sanguineæ, cum muco intricatæ simul excernuntur, aut malo jam provectiore per diabrosim vasorum mesentericorum cruor expressus, corruptis liquidis immixtus per alvum ejicitur; vel *Incruentam*, seu *Albam*, quando mucosa, serosa, biliosa, atrabilaria, purulenta, ichorosa materies vel sola, vel aliis substantiis, aut fæcibus, pituitæ gelatinosæ, carunculis, membranis conjuncta cum tenesmo molesto, & validis torminibus per alvum ruere observatur. Ratione *Loci affecti* in eam, quæ in *tenuibus*, atque eam, quæ in *crassis intestinis* agnoscit sedem aliis solet dividi, denique & ratione *Temporis* in eam, quæ *incipiens* est, seu in *primo gradu* cum crebra excretionē torminosa materiæ mucosæ, spumosæ, quandoque striis cruentatæ; vel *ingravescentes*, & in *secundo gradu* cum excoriatione intestinorum, alvo cruenta, & ramentosa; vel prorsus *confirmata*, & in *tertio gradu*, cum gangræna tubi intestinalis, ejusque frustulis specie caruncularum cum putrilagine humorum una excretis.



§. XII.

Verum omnes hujusmodi Dyſenteriae diſiſiones ad curam vix quidpiam, plus ad ejusdem morbi prognofim conferre videntur, id autem Medici Clinici muneris eſt, talia de morbis ſtatuerre, quæ iis auveruncandis unice faciant, & nomenclationes morborum condere tales, ut ſine mora audito nomine, & ipſum morbum noſcas, & noſcas quid partium nunc ſit, ut præſens ægritudo quantotius abigatur; quare ſequentem inſtituam *Dyſenteriae* partitionem, ipſamque in talia diſtribuam membra, ut mox per ſe clareat, quid auxilii deſcripta poſtulet infirmitas.

Optime igitur credo eam dividi in *Veram*, & in *Spuriam*.

Vera ſiquidem ſemper adjunctam habet febrim, licet nonnunquam minimam, aut ſaltem diſpoſitionem febrilem (eſſi non frigus, & calorem, ſed ſaltem aut ſitum, dedolationem, dolorem, capitis &c. advertas; nam & hæc ſunt ſymptomata febrilia) quamquam Cl. Zimmermann (kk) neget a vera Dyſenteria frigus, debilitatem, proſtrationem virium abeſſe; nil obſtat febri ſi primis diebus celerior non ſit,

(kk) de Dyſcut. c. x.

fit, imo fit valde parvus pulsus, observatur tamen in morbi decursu notabiliter accelleratus; sed quod majori attentione dignum, observatis practicis mox laudati Viri, tum & factis a Cel. meo Praxeos Professore in suis Nosocomiis, constat, Dysenterias cum magna febre, minus fuisse periculosas, periculosiores cum febre vix percipienda: putridissimas certe æque, ac periculosissimas vidi febrès, in quibus explorato pulsu sanissimum pronunciasse ægrum, ni alia præsentia symptomata id vetuissent.

Vera igitur pro ratione adjunctæ febris dividitur in *Simplicem*, & *Complicatam*, illa in *Simplicem Rheumaticam*, *Inflammatoriam*, *Biliosam*, *Putridam*, *Benignam*, *Malignam*, *Intermittentem*, *Chronicam*, hæc in *Rheumatico-biliosam*, *Inflammatorio-biliosam* &c. partitur, has singulas in earundem cura uberius contemplanbor.

§. XIII.

Incertum est quamdiu duret, aut quando finiatur Dysenteria, quare cautissimum in formanda illius prognosi Medicum esse oportet; quandoque in principio benignam simulat Diarrhæam, pedetentim vero malitiose, & cum magno ægrotantis periculo Dysenteria emergit; cæterum in formanda



prognosi ille erit felicior, qui remotam causam perspectam habuerit, habito simul respectu ad ætatem, sexum, temperamentum, vitæ genus ægri consuetum, medicaminum adhibitorum, annuæ constitutionis, periculi morborum grassantium, annuæ & stationariæ febris; potissimum illius, quæ Dysenterix est Mater, a cujus majori, vel minori periculo, boni quid, aut mali de Dysenteria quoque ominari licebit.

Dysenteria recens (cæteris paribus) facile curatur apud tales, quibus domi res non est angusta; difficilis vero apud homines infimæ sortis, non modo opem tardius anhelantes, verum aëre frigidior, humido, aut impuro teste Cl. Pringlio vefcentes (ll). Intestina crassa facilius morbum ferunt, periculosius ægrotant tenuia.

Dysenteria si febris Malignæ, aut Variolarum symptoma fuerit, periculosa, & fere lethalis censetur.

Durante Dysenteria salvus appetitus ventriculum labis expertem, bonumque signum promittit; *at in longis Dysenteriis adpetitus prostratus, malum, & cum febre pejus monente Hippocrate (mm).*

Dy-

(ll) de Dysent. Cast. Sect. 1. Cap. 6.

(mm) Aphor. 3. Sect. 6.



Dysenteriae ructus superveniens vel crepitus ventris, bonum est augurium redeuntis ante perversi, motus peristaltici, & chylicationis.

Singultus in principio morbi non adeo funestus est, ac in progressu, tunc enim vel ab inanitione, vel a gangræna nascitur.

Vomitus ab initio assumptorum bene præoccupatur, contra vero si fuerit serotinus. *Dysentericis vomitus in principio biliosus malus* dicitur Hippocrati (*nn*) Degnerus contra affirmat, bonum esse indicium, si ægri bilem flavam, & adhuc magis, si bilem viridem quocunque morbi tempore, & imprimis in initio sponte, vel medicamento exhibito vomitu, aut dejectionibus excernerent, toto mali fonte sic simul, & semel ablato, eo autem citius ægros convaluisset, quo maturius talis fieret evacuatio (*oo*); bonum itidem affirmat vomitum in initio Dysenteriae putridæ Zimmermann, malum autem si in decursu morbi sæpe recurrat, præcipue post omnem cibi, aut medicamenti assumptionem, itidem si in initio Inflammatoriae Dysenteriae observetur (*pp*). Quodsi vomitus
ubi.

(*nn*) Coac. Præn. Sect. 3. c. 18.

(*oo*) de Dysent. c. 3. §. 88. pag. 21.

(*pp*) de Dysent. c. 10.



ubicunque nimius fuerit, malum utique præſagium importabit, quale exemplum Wilifius hiſce verbis memorat: *fuit affectus ille ſubitaneus, & frequenter abſque manifefſta occaſione invadens; laborantes cum vomitu immuni, & ſedibus crebris, & aquoſis, cito in máximam debilitatem, inque ſpirituum horrenda deliquia, & virium omnium proſtrationes redigebat. Novi, inquit, plures ſatis ſanos, & valde robuſtos intra duodecim horas morbi hujus tyrannide adeo dejectos, ut cum pulſu debili, & exili, ſudore frigido &c. jamjam moribundi viderentur, & quidem non pauci ab eo cito interibant (qq). Senes, ac Pueri Dyſenterici plus periclitantur, quam media ætate conſtituti, ita enim Hippocrates affirmat: *moriuntur autem ex hoc morbo maxime Pueri quinquennes, & Seniores adhuc decennes, reliquæ vero ætates minus (rr)*; horum enim debiles vires, & textura inteſtinorum minus firma, & valida, cauſæ morbum facientis actioni minus reſiſtere valent; ob eandem cauſam, Scorbuticis, Tabidis, Valetudinariis, inteſtina debilia habentibus Dyſenteria valde eſt periculofa; ſæpe tranſit in maraſmum, hecticam, aut apoplexiam, ex vaſorum inanitione, adeoque*

(qq) de Dyſent. incruenta Londinenſi 1670.

(rr) Prædict. L. 2. S. 2. §. 30. c. 13.

que nutritionis, spirituumque vitalium defectu. Lactantes nihilominus securius laborant, in quibus lac humanum & nutritionem per alvum subductam jugi adfluxu reparat, & ballamo naturali humorum acrimoniam demulcendo, partes ab excoriatione defendit.

In Dysentericis Infantibus omnes nervosæ affectiones periculosæ habentur, præsens enim continuo irritans acre in intestinis produnt, & aliquando momentanee ferme lethale.

Gravidis periculosa est teste Hippocrate: *Mulier in utero gerenti si alvus multum fluxerit periculum est, ne abortiat, (ss) & alio in loco. Mulieri in utero gerenti tenesmus superveniens abortire facit (tt)*

Dysenteria Abortientium, & Puerperarum non sunt semper periculosæ, dum lochiorum vices suppleant, & materiam eorundem per vicina loca optime minuunt docente Baglivio; ipse vidi anno præterlapso in Noscomio practico Puerperam, quæ die ante partum Dysenteria Inflammatoria correpta, toto puerperii tempore eadem sine magnò tamen periculo detinebatur, & brevi legibus artis curata, Nos-

co-

(ss) Sect. 5. aphor. 34.

(tt) Sect. 7. aphor. 27.



comio valedixit; si vero Dysenteria Filia fuerit febris Puerperarum mali moris, periculo certe haud carebit.

Hypocondriacis cum materie, seu ut cum Hippocrate loquar: *Lienosis Dysenteria non longa quidem utilis, longa vero pestifera, nam quiescente illa si vel Hydropes veniant, vel etiam Lienteria, mortiferum (uu)*; iisdem salutaris est, quæ a suppressis hæmorrhoidibus, non ex intemperantia agnoscit natales, siquidem longa non fuerit: optima quoque illa est ex Arthritide anomala, sive interna, & si cum virium constantia fiat, *Critica* perhibetur a Musgrave. Podagricis quoque tulisse suppetias testatur Hoffmannus cum Hippocrate, dum inquit: *sanant hos (Podagricos) optime Dysenteria si successerint. (vv).*

A meraca dejectione Dysenteria malum (ww); dum scilicet unicus tantum humor viscosus, & albus, aut spumosus, aut biliosus, vel cruentus, atroci cum dolore per alvum absque sæcibus rejicitur.

Dysenteria si ab atra bile inceperit, lethale (xx). Si a Dysenteria detento velut
ca-

(uu) Duret comm. in eoac. eap. 20. pag. 349.

(vv) Prædict. L. 2. Sect. 1. c. 7.

(aw) Hipp. Aphor. 23. sect. 7.

(xx) idem aph. 24. sect. 4.

carunculæ secesserint; lethale est (yy), cum neque coalescere tantum ulcus, neque obduci cicatrice possit (zz); tum quia est carcinoma internum, cui medendi non est commoditas, tum quia illud perpetuo excrementorum adpulsu sordescit, & pro-ritatur (aaa). Etenim morbo jam satis pro-fecto ex gangræna intestinorum, quam fide dignissimi Viri Pringle, & Eller per ana-tomen Dysentericorum detexere, portio quædam tubi, corruptis omnibus ejus tuni-cis, una cum aliis excrementis evacuari debet, aut cum iisdem per intestinum per-foratum in ventris cavum delapsum, par-tes, quas tangit mortificando, tympani-tidem lethalem producit. Sæpe quidem mucus, in lacunis intestini concretus refe-rens carunculas, in principio Dysenterix rejicitur, quæ tamen excretio non est le-thalis, neque durante diu morbo similis fieri potest; cum non concedatur in his tempus sufficiens ad mucî concretionem (bbb).

Dejectiones crebræ, & simul parcæ, commune sunt malum; majus tamen peri-cu-

(yy) idem aph. 26. sect. 4.

(zz) Gal. ad aph. 26. sect. 4. L. 2. Prognost.

(aaa) Duret. comm. in Coac. pag. 346. de Dy-sent.

(bbb) de Gorter. medic. Hipp. §. 136.

culum instat, quo crebriores, & partiores fuerint, & quo crebrior, sed sine fructu in initio adfuerit tenemus; copiosæ contra, & raræ evacuationes bonæ sunt, copiosæ autem crebræ valde, nec tamen levantes sunt malæ; copiosæ itidem in morbi progressu, præcipue si assumpta immutata exeant, periculum præfagiunt.

Dysenteria cum excrementis viridibus, nigris, aut variegatis, aut cadaverosis pessima est; *nam quanto colores dejectionum plures fuerint peiores, eo deterius (ccc).*

Dysenteria diuturna cum intensa febre, vomitu, singultu, dyspnœa, syncope, cardialgia, aphtis, angina, dysuria, stranguria, delirio &c. perniciofa.

Hydrops, aut Lienteria Dysenterix superveniens, lethale.

Tenismus in Dysenteria cum hiatu ani, dum injecta enemata statim elabuntur, aut cum tanta illius constrictione, ut nihil intromitti possit, plerumque mortis est signum; siquidem hic tumor inflammatorius magnus, illic vero adsit sphincteris paralyfis.

Si omnia symptomata mala sunt, si deficiunt ægro vires, pulsus sit celer, sed

sed parvus simul, mortem fores pulsare plerumque est signum.

Dysenteria cum cruore sincero, continuis, & momentaneis fere sedibus, cum vigiliis, anxietate cordis, siti insatiabili, raucedine, & aphonia, frigore extremorum marimoreo, internorum ardore, jactitatione, sudore frigido in magnas guttas collecto, deliriis, pulsu debili, inæquali, subitanea dolorum sine causa remissione, assumptis cum murmure, & strepitu delabentibus, fæcum inscia demissione cum cadaverosa mœphiti, convulsione &c., absolute est lethale.

§. XIV.

In assignanda Dysenteriae cura ita versabor, ut præmissa singulae speciei idea, ei subjiciam medendi methodum; quare ductu initio ab ea, quam §. XII. *Simplicem Rheumaticam* appellabam, sequentibus illius naturam absolvi credo.

Simplicem Rheumaticam Dysenteriam cum Cel. meo Praxeos Præceptore illam dico; ubi *Ægri secessus creberrimos, aquosos, admixto non raro sanguine, morbo præcipue aliquamdiu durante, profusoque, initio subinde mucosos, semper torminosos habent, cum febricula tenui, gustu aut non omnino, aut leviter vitiato, & cum*
D do.



doloris extra tempora dejectionum absentia (ddd).

Sæpe Coryza, aut Angina, vel alia ad thoracem, aut artus facta defluxio, ut inde Catarrhus adsit, aut dilacerans artuum dolor, hunc alvi fluxum præcedit, aut una adest.

Hæc Dysentericæ species ferme semper observatur, dum corpori sudoribus mananti, frigus admittitur: varii autem perfrigerationis vario anni tempore observantur effectus, variasque corporis partes impetit; *supremas* hyeme, vere *midias*, adulta vero æstate, atque autumnii initio *infimum ventrem*; quoniam ventriculus, & intestina hac anni tempestate debilissima; excipiendæ recurrenti materiæ perspirabili præ alia quacunque parte opportuniora habentur, quare illa materies, quæ alio anni tempore Odontalgias, Coryzas, Anginas, Catarrhos, facit, morbos serosos scilicet, ad intestinorum membranas modo projecta *ventris Coryzam*, aut *intestinorum Catarrhum*, vel si mavis *eorundem Rheumatismum* facit; morbum scilicet ab aliarum anni partium serosis morbis nonnisi *sede* differentem.

Sed & illud notandum, non quovis anni tempore eandem esse destillantis

ma-



materiei indolem; modo enim *benignior*, atque insons ferme, modo vero *acrior*, & *septica*, qualis æstivo præprimis, & autumnali tempore esse solet.

Hæc *Simplices Dysenteriae* species anno 1778. Augusto mense hic loci aliquoties observabatur. Quibus neglecta ægritudo hæc fuerat, aut ineptis tractata remediis, tormina tunc augebantur, atque etiam extra secessuum tempora affligebant, qui frequentiores fiebant, mucosiores, magis cruenti, & tenesmodeis supra modum.

Minus fors aliquibus placebit, morbum hujusmodi *Dysenteriam* vocasse, cum potius alio quocunque vocabulo e.g. *Rheumatis intestinalis*, *Colicæ*, *Diarrhææ torminalis a perfrigeratione* &c. aptius insigniretur. Verum multa pro hac mea compellatione pugnant, atque hanc esse unam ex amplissimo *Dysenteriarum* genere depromptam speciem, eamque *Simplicem*, meracam, & cæteris ut plurimum benigniorem, sequentibus cum mox laudato & venerando mihi ad cineres usque VIRO, cujus memoriam excipient omnes anni consequentes, evinci argumentis opinor.

I. Eosdem exhibet characteres, qui in ipso illo morboprehenduntur, quem omnes unanimi suffragio *Dysenteriam* nuncupantur, dejectiones scilicet frequentes,



cum ventris torminibus, & colluvie mucosa, utique etiam aquosa initio, & paulo post cruentata. II. Intra eosdem quoque temporum fines coërcetur hæc *Simplex Rheumatica Dysenteria*, intra quos Dysenteria contineri solet; eosdem cum illa progressus facit, eosdem sortitur exitus, si morbum aut nihili feceris, aut eidem finistre occurreris. III. Auctores quoque non pauci & viderunt hunc morbum, & eundem habuerunt pro Dysenteria; & eadem curarunt ratione. IV. Intestino-
rum hoc rheuma, quod *Simplicem Dysenteriam* componit, multiplici complicatione ita variegatum adparet, ut diversissimæ medendi methodi requirantur. Nonnunquam altius figitur, ita ut sudoribus motis dimoveri, dissiparique non possit, verum persistet immotum; tunc autem & hæc *Simplicis Dysenteriae* species repetitis vicibus blando, anodyno, tepidoque potu, & laudano interposito tentari debet.

Quod si negligatur, male curetur, in veram abit, eamque pertinacem *Febrim intestinorum Rheumaticam*, longam, difficilemque curatu; contingit tunc idem propemodum, quod in Febris Rheumaticis artuum, carpis, & genibus tumetibus, atque valde dolentibus fieri est videre, ubi morbus non ad multos solummodo dies, sed ad septimanas, quin & integros menses protrahitur.

Solantur hanc *Dysenteriae Simplicis* speciem juges, & tepidæ aquæ potiones cum lecti tepore; subinde potus leviter aromaticus, sub vesperam pulvis ex nuce moschata, & pauxilo opii confectus; motis ita per noctem sudoribus, alvus tuto hac methodo componitur, & absque alterius morbi metu intra nychthemera cum perseverantia, si modo morbus non invaluerit, aut perversa medicina fuerit adhibita.

Male cedit in hac *Dysenteriae* specie quæcunque alia medendi ratio, seu quæ eccoproticis, seu quæ emeticis, aut radice Arnice *Dysenterias* sanat; etenim augentur torminosæ dejectiones, cruentæ, ramentosæ numero, & intensitate.

Hæc illa est *Dysenteriae* species, quam solius aquæ tepidæ potu cum tenuissimo victu, aut tenue infusum theæ, vel dilutissima juscula assatim epota, sanata apud complures legimus. Neque alterius sunt indolis illæ *Dysenteriae*, quas infuso fl. sambuci, stib. diaph. non abl., opio, aut remediis vi leviter carminante donatis, aut balneis tepidis aquæ dulcis, fotu crurum, & abdominis, aut alia quacunque ratione huc revocanda, tuto, feliciterque curatas narrant. Sed & vesicans abdomini adplicatum auxilio fuisse *Dysentericis*, indeque salutem mox insecutam legimus; Rheuma utique intestinorum ad



cutem evocabatur, fudore (prout ab applicatis cantharidibus semper est observare) ubertim moto, atque alvo exliccata.

Sunt qui in sanandis Dyſenteriis alterantibus utuntur, ex Tartari Emetici, radicis Ipecacuanhæ, & Opii refractis dosibus confectis, atque perspirationem sollicitantibus, sed & hi hanc solam Dyſenterix speciem sanant.

Sydenhamum laudano suo usum in Dyſenteria fuisse abunde constat; sed neque sola hac methodo tantus Vir pugnabat, verum cathartica, & phlebotomias celebrasse, atque composita quoque methodo usum pro vario Dyſenterix genio, scripta illius testantur, & si solo laudano usus est, fuerat certe hujus *Simplicis Dyſenterix* species.

§. XV.

Secundam *Dyſenteriam Inflammatoriam*, seu *Febrem Inflammatoriam Dyſentericam* superius nominabam.

Hæc annis variis, & anni variis temporibus observatur, seu ipsa materies destillans acredinem, & inflammandi vim habuerit, sive ægri habitus præ cæteris fuerit phlogosi opportunus, vel vero constitutio anni phlogistica, tunc forte vicens, quidquid per id tempus morborum occurrit,

rit, in phlogosim inclinet, invertatque; licet non raro sola inepta, & prava medicina, vinosa puta, aromatica, narcotica adstringens &c. id præstet.

Neque vellem quis mihi illud opponat, quod olim Akinside Medicus Anglus, contra *Inflammatoriæ Dysenteriae* genesim, siquidem negarat in inflammatis intestinis crebros secessus, cum intestinalis claudatur potius tubus, quam ut materiæ excernendæ det exitum; id enim & ego lubens concedo, si inflammatio exquisita, & magna fuerit; universali tamen illius negationi haud adscribo, si tanta eadem non extiterit.

Id autem notatu dignum est, annos quosdam dari, ubi hæc Dysenteria grassatur primario, ita quidem, ut omnes aliæ species rarissimæ videantur; nonnunquam integro anno *Dysenteria Inflammatoria* nulla, aut vix ulla occurrit, ita anno 1776. adulta ætate vix ulla hic, aut nulla *Dysenteria Inflammatoria* observabatur, pleræque erant *Biliosæ*, *Bilioso-Rheumaticæ*, sed præterito anno præter *Inflammatoriam*, vix aliam videre licuit.

Id universum observatis practicis respondet, Dysenteriam vernam, autumnalem, hyemalem, æstivam rarius, & non nisi ubi æstas paulo fuerit frigidior; Plethoricorum, Rusticorum, aut ex toto, aut ex parte saltem majore, minoreve *In-*



flammatoriam esse, grassarique iis potissimum annis, ubi cæteræ febres dominantes *inflammatorii* pariter sunt *genii*, grassabatur anno præterito in hac urbe, sed & *Febris Inflammatoria* toto anno dominatum tenebat.

Si adulta æstate Febres Putridæ de phlogosi aliquid participant, eo ipso tempore Dysenteria prædominantis febris sequitur genium, eritque aut ex *toto*, aut magna saltem ex *parte Inflammatoria*.

Hujusmodi *Inflammatorio-dysentericæ* febres ut enteritides spectandæ sunt; cautum profecto, atque emunctæ naris oportet esse Medicum, ne infidentem ventri phlogosim prætervideat; siquidem multa sunt, quæ decipiant; imponit primo, quemadmodum in omni sævissima sæpe enteritide, pulsus; est hic parvus, debilis, & sub digito evanescens, sævissima licet inflammatione in abdomine residente, sed & in *Dysenteria Inflammatoria* pulsus æque parvus, debilis, celer observatur.

Diversa pulsus plerumque est ratio, in intestinorum inflammatione observati, ac soleat observari in aliis partium aliarum inflammationibus; etenim pleræque inflammationes pulsum durum, fortem exhibent, rarissime valde acceleratum, & multo rarius debilem, evanescentem; verum tamen in abdominis inflammationibus pulsus sæpissime parvus est, & decipiens

Me-

Medicum, ita quidem ut is de vera inflammatione vel minimum cogitet, factis autem venæ sectionibus assurgit communiter pulsus, præsentiam periculi confirmans.

Verum saburræ quoque signa decipiunt; adest enim & in febre *Inflammatorio-dysenterica*, linguæ impuritas, oris amaror, vomitiones saburrales, biliosæ, eruginosæ spontaneæ; subinde vermes etiam excrenuntur, ita quidem ut dolorem abdominis refunderes in materiem acrem, & saburralem; licet potius adscribi, & reasfundi debeat in jamjam incipientem inflammationem; decipere itaque symptomata hæc saburralia possunt Medicum, eumque permovere, ut evacuans præscribat remedium, utpote utilissimum, si ea symptomata soli saburræ debeantur, sed hic certe nocivum valde.

Quare collecta in unum habeat signa, est necesse, Medicus, quibus armatus, feliciter, hostem insidiari, dignoscere valeat; ea vero sequentibus plerumque absolvuntur.

Spectanda est doloris remissio, intermissio, aut continuïtas; si enim in abdomine Dysenterico dolor sit alicubi fixus, utut vagus in reliquis partibus, si is dolor fixus sit, & assiduus, ita ut nunquam remittat, aut si remittit, saltem non intermittat, si abdomen attactum paulo ru-



dio rem non ferat, si præterea abdomen levissime sit tympaniticum, tumidulum, levissime percussum doleat, & resonet, qualiscunque sit pulsus, seu debilis, seu fortis; si præterea adfuerit ingens sitis, & calor, subitave virium prostratio, hostem mania arietare puta; sed eo magis confirmaberis in tua diagnosi, si præcesserit morbi neglectus, inepta meticatio per vinosa, vinum rubrum medicatum Plebi adamatum adeo, si meris narcoticis, opiatibus, vel adstringentibus morbus in principio tentatus fuerit, vel aromatibus, nucemyristica, aliisque similibus, aut si tempus paulo fuerit frigidius, si dolores enormes, si ipsa ægri Juvenis forte, & robusti conditio pro phlogosi loquatur, aut si & morbi alii inflammatorii eodem tempore grassentur.

Eadem antiphlogistica, eaque generosa in hac Dysenteria specie obtinet medendi methodus, quæ in enteritide, venæ sectionem celebrare, eamque etiam repetitam pro varia necessitate oportet, præsto sint balnea, fomenta, cataplasmata, potus copiosi emollientes, emulsa tepida ore assumpta, copiosi, inquam, sint potus; nullam enim ægritudinem affirmant Baglivius, Huxamus, Tissotus, & Zimmermanus, in qua tam frequentes potus sint necessarii, ac in Dysenteria; clysmata præterea emollientia parca dosi, ut retine-

eri possint in hac Dysenteria plurimum profunt: hac methodo omnes anni præteriti Dysenterias in Nosocomiis SS. Trinitatis, & practico feliciter curatas vidi.

Nocent quæcunque aliarum virtutum remedia in hac Dysenterix specie; sic purgantia eccoprotica, rhabarbarina, emetica, narcotica, adstringentia &c.

§. XVI.

Ad tertiæ Dysenterix curam, quam *Biliosam Dysenteriam*, seu *Febrem Biliosam Dysentericam*, dixeram, ducit ordo.

Dum copiosior bilis collectio, bilis acrioris, atque ita agentis, ut febrem accendat biliosam, accedente intestinorum rheumate tali, quale requiritur ad Dysenterix genesim, ut superius demonstra-
bam, febris hæcce biliosa nomen novum sibi adsciscit, diciturque *Febris Biliosa Dysenterica*.

Quibus characteribus hæc *Biliosæ Dysentericæ Febres* notentur, aliunde constat, iis scilicet, quæ materiem biliformem intra præcordia fluitantem denotant, ex humorum circumeuntium canalibus eo delatam pro magna parte, reliqua portione cum reliquis humoribus circulante, amarore oris jam ab initio continuo, vomitu biliosæ materiæ, cum secuto quoddam juvamine; manifestæ quoque habentur certa
ho-



horarum plerumque, aut dierum periodo, recurrentes febris exacerbationes, & remissiones non enim omni diei tempore, nec omnibus diebus æquali ratione dejiciunt, sed suam dejectiones torminosæ observant periodum, ut frequentiores modo, aucta scilicet febre, modo remissiore eadem facta, ipsæ quoque remittant; abdomen sub ipsa alvi depositione, & momento ante eandem non raro vehementer dolet; mitius tamen, aut omnino non eo tempore, quo æger mox a secessu surrexit; verum utut graviora tormina ægrum persæpe vexent, venter tamen, nisi rudissima manu contractatus, non dolet, nec mitius eadem remota, nisi adfuerit simul inflammatio, de qua mox egeram.

Sed in formanda diagnosi, nunquam prætermittenda est anni constitutio, & alii tunc temporis regnantes morbi, siquidem hæc, ut in aliis quibuscunque morbis, ita & hic qua magnetica acus, Medicum, eam consulentem, dirigit.

Hæc Dysentericæ species nisi insana medicatio accesserit, aut ægrorum socordia morbi initia contempserit, si meraca, & sine inflammatione fuerit, a periculo plerumque abest.

Methodus medendi feбри huic Dysentericæ tota in eo versatur, ut morbus eminentior sanetur, ea vero consistit in remediorum saponaceorum, solventium,
ace-



acescentium usu, cui serius subjungi, aut interponi emeto — catharsis debet.

Emeto — catharticum certe præ solis cartharticeis, iisque quibuscunque propinandum; nam educit id remedii genus quidquid alieni offendit in tubo alimentari quadata porta; sed & id quoque boni habet, quod finita purgatione, sudores plerumque moveantur, quibus motis rheuma abdominis una submovetur; unicum plerumque emeto-catharticum profligando morbo par esse, rarius bis, rarissime ter propinandum, interjecta die una inter singulas emeto-catharses, observata docent.

Nollem quis hæc ex contemplatione potius, quam observatione scripta putet; lætus enim recordor, hac methodo plures brevissimo tempore a Cel. meo Præceptore in Nosocomiis sanatos; si tamen criminari quis laudatam methodum vellet, is prius observationes Cel. Virorum, Elléri, Pringlii, Momro, Akinfide, Tissoti, Zimmermanni, jll. Præsidis consulat, & suam cum tantorum Virorum conferat praxim.

Raro solis purgantibus, hæc *Biliofa Dysenterica Febris* curatur, prout sola etiam *Febris Biliofa*, nisi ea mitior fuerit, & ipsa purgantia fuerint blandiora, antibiliofa, acescentia, eccoprotica, tamarindinata &c.

Rheum siquidem quacunque ratione propinatum, aut Myrobalani, aliaque huc
re.



revocanda, spem fallunt, nisi febre jam inclinata, & emeto-catharsi jam compluribus ante diebus præmissa.

Nocent æque remedia calefacientia, adstringentia, adversantur valdopere narcotica; neque Opium nisi tardius propinandum hic venit, & parce, & *Febre Biliosa* ferme ex integro composia; male siquidem *Biliosæ Febri* & Opium convenire is noverit, qui utriusque, & morbi, & remedii vim perspectam habuerit, atque alterum cum altera contulerit: de morbi exordio loquor, & evacuantibus per artem nondum adhibitis, evacuationibus non factis, ubi Opio locum nullatenus esse credo, etsi morbo jam declinante, & Dysenteria in Diarrhæam conversa, utile esse paregoricum queat, quin etiam necessarium, si modo roborantia, atque invigorantia remedia primas habeant.

De adstringentibus valet idem, ea morbo incoanti haud convenire; sed rejecta prius, quæ præcordiis inhæserat, vetusta, atque acri fæce, & languidissimis intestinis assumpta mox profundentibus, diuque, & cum virium jactura gravi, medicari potenter morbo posse.

Tormina in recenti ægritudine, Dyfuriam, Ischuriamve mucilaginosi si quis delinire solum studuerit, actum agit, spasmī dolorifici demitigari haud solent priusquam irritans stimulus excussus fuerit;

ex-

exterminato autem hoc seditio-
nis Auctore,
quidquid antea turbatum fuerat,
facili modo conquiescit.

§. XVII.

Nonnunquam *Febris* adest *Originario-
Putrida*, licet rarius, in qua si rheuma in-
testinorum adjungatur sub iis conditioni-
bus, quæ ad genesein *Dysentericæ* requi-
runtur *Febris Putrida Dysenterica*, seu *Sy-
nochus Putris Dysenterica* habebitur.

Dysentericæ hujus diagnostici charac-
teres iidem sunt, qui *Simplicis Synochi
Putris*; febris uno tenore decurrit ad spe-
ciem mitis, reipsa gravis, pulsu debili,
& accelerato, aut etiam naturali, etsi re-
liqua morbi symptomata magnas cætera-
rum functionum læsiones demonstrent, ce-
phalalgia ingens, stupor capitis, mite
nocturnum præprimis delirium, oculi ru-
bicundi, subflavi, subvirentes, lachry-
mosi, lemosi, pulverulenti, facies tristis,
flavescens, terrea, labia sicca, lingua
flava, virescens, mucosa, sicca, crustosa,
fuliginosa, plena anorexia, cutis sicca,
variæ nonnunquam cutis efflorescentiæ,
decubitus supinus ore adperto, & plura
alia ex idea dictæ febris repetenda.

In curanda hac *Dysentericæ* specie in-
dicationes repetendæ sunt ex genio *Putri-
dæ Febris*, atque ex illis regulis, quæ ob-
fer-



servandæ in cura harum Februm proponuntur; totus vero eo Medentis directus sit animus, ut, an omnis inflammatio absit, illi constet, hanc siquidem præsentem fotu abdominis, & mucilaginoso potu, quin phlebotomiis etiam delinire oportet; tum aut emesi, atque hac crebrius, aut blanda catharsi præsto esse oportet, prout materies fursum, aut ad alvum inclinabit; Arnicæ demum radix plerumque complementum facit curationis; imo *Dysenterias* hujusmodi *Putridas*, sed absque notabili saburra, & omnis inflammationis expertes, radix hæc in initio mox propinata sola sanat, alvum pedetentim, & lente inhibendo, ventrisque sensim componendo tormina; nonnullis vomitum movet, aliis *Dysenteriam* in *Diarrhæam* bona methamorphosi convertit.

Verum alia quoque habetur origo hujus *Dysentericæ Febris*: ipsa *Dysenteria Biliosa* non raro in morbum putridum transit, ita quidem ut nomen suum deponat, & *Febris Putrida Dysenterica* dicatur.

Diversa autem ratione hæc fit methamorphosis; potissimum vero *neglectu*; qui enim auxilia spernunt in morbi initio, vel qui remediis, iisque variis utuntur, his jam non remittere videtur febris, iterumque statim temporibus intendi, quod in *Biliosis Febris* est solemne, sed uno impetu, eoque accelerato fertur. Adeoque



que mutatur in continuam gravem, & illis stipatam symptomatibus, quorum complexus *Febrim Putridam* constituit.

His diuturnior solventium, emollientium, & tepidorum usus fert opem; non raro etiam phlebotomia, utut partior, in initio prodest, tardius demum emetocatharsis, postquam scilicet, quam diuturnior, & intensior neglecta febris, & inepta medicatio intestinis jam affricuerat, inflammatio fuerit absterfa.

Si vero *Biliosa Dysenteria* venæ sectionibus compluribus aggrediatur, sanguine *ultra ægri vires*, & *exigentiam morbi* extracto, exasperari biliformis materies incipit, atque intra corporis penetralia attrahitur, quaquaversum dispensatur, & humores circumeuntes suo connubiò coinquinat. Adeoque *Febris Biliosa Dysenterica* malle venæ sectionibus tentata, pariter in *Febrem Putridam Dysentericam* convertitur: tales longissime absunt a conditione inflammatoria; verum ardoribus peruruntur acerrimis, parvo, debili, ac celeri sunt pulsu, febre assidua, eaque nunc *Putridissima* detinentur.

Arnica radix hoc rerum statu præ quovis alio remedio ad dr. β omni tri, vel quatrihorio data salutis est, in urgentissimo casu etiam omni bihorio propinata.

Emeto-catharsim nullo modo hi ferunt, utut enim venter illuvie scateat,



nihilominus vel impurorum succorum evacuationo residuas vitæ vires una atterreret; periculosum igitur medicamentum evacuans vel per alvum, vel per emesim esset, cum debilissimi, utut simul impurissimi, & humoribus pravis scatentes, evacuationes nullatenus ferant; serius quidem, atque refocillatis jam usu radicis Arnicæ, vel Peruviano etiam cortice, aut alterius cujusdam antiseptici remedii, viribus, serius, inquam, evacuatio convenit, qua in principio facta, fuissent enecti; verum evacuatis primis viis, ad priora reditus est faciendus.

Denique per *emetica nimium quantum repetita*, per *purgationes ultra modum iteratas*, *protractasque* in Biliosis Dysentericis Febribus, hæc *Putrida Dysenteria* generatur; etenim hac ratione vires vitæ exhauriuntur, renuissimo, & debilissimo sunt pulsu, atque tandem ex *κρεανγεία* morbo, & vitæ finem ponunt.

Desertas nonnunquam jam res Arnicæ radix restituit; Theriaca Andromachi, stimulantia vinosa, & totus calefacientium remediorum adparatus huc pertinet.

Hic casus est, in quo regimen calefaciens, stimulans cardiacum locum habere optime potest.

§. XVIII.

Hucusque recensitæ species pro *Benigna Dysenteria* militant, *Maligna* illa est, quæ *Malignam Febrem* Matrem agnoscit.

Varia *Malignitatis* apud Authores habetur notio; aliis enim *Maligna Febris* dicitur, quæ ad speciem mitis, pulsum, urinas, calores naturales habet; attamen periculosa subinde est, & plerumque ægrum morti tradit; aliis *Morbus malignus* is dicitur, qui insolita habet symptomata nervæa, convulsiones, subsultus, deliria præter modum; adeoque non tantum a morbi gravitate, sed etiam a validiori affectu nervoso *Malignitatem* mensurant; alii *Malignitatem* adesse tunc affirmant, dum morbus quidem nil habet extraordinarii, nulla symptomata ad speciem gravia, sed decurrat ut quivis alius morbus e. g. *biliosus*, aut *putridus*, attamen si sit rebellis, & pertinax, atque consuetis remediis insanabilis; verum insolita symptomata aliis etiam Febribus communia sunt; & si a pertinacia ad consveta remedia *Malignitatis* notio desumenda foret, ea primum post remediorum usum haberetur; sed an hoc practicum est?

Melius cum Cel. Tissoto, & Recentioribus plerisque *Malignitatem* repeto a subita virium in initio statim prostratione,



sine cognita alia causa, si clam quasi irrideat ægro, eum repente prosternat, & vires tam animales, quam vitales projiciat, absque nota causa prostrationis eorundem.

Manifestæ autem causæ, quæ etiam subito prosternunt vires, sequentes plerumque recensentur: omnis evacuatio nimia, sanguinis, feminis, fluxus alvini, cholericus &c.; plethora ad summum gradum aucta; repentina, & gravior inflammatio visceris nobilioris, partis valde sensibilis, intestinorum potissimum; saburra turgens; demum paroxysmus hysterius.

Dysenteria Maligna, vel *Originaria* est, causam agnoscens insolitas, & sætentes caligines, corruptum summe aerem, calores summos, famem, castra valdopere humida; vel est *Fæctitia*; sic ex *Biliofa Dysenteria* violentiori ira, eaque repetita *Malignam* describit Cel. Zimmermann; sed & mala methodo, stimulantem puta, & adstringenti, ut Tissotus affirmat, cooperatur ad illius genesim.

Dysenteria Maligna prædici ferme potest ibi, ubi multi Dysenterici in angusto loco ægrotant; observatis quoque constat; quod Dysenteria semper majorem *Malignitatem* habeat, quo maturius erumpit in anno; e contra minus quod sit timenda, si primum in Augusto, aut Sep-

Septembri initia summit (*eee*): cæterum illius diagnosi desummitur a subita virium prostratione sine cognita causa, magna præcordiorum anxietate, stupore, & gravitate capitis, aliquando dolore intolerabili, dejectione, vel æquanimitate animi, & quadam morbi patientia, & tolerantia facili; momentaneis convulsionibus, voce valde debili, crebris animi deliquiis, aliquando Miliaribus, Petechiis, Morbillis, Aphtis in ore, pulsu valde debili, inspiratione in principio ut plurimum difficili, noctes insomnes habentur, sæpe in principio placide delirant ægri, eodem aliquando crescente, difficultas in initio sæpe observatur deglutiendi, quæ ut plurimum valde malum est signum.

Communiter accidit, ut vomitu vermes ejiciantur ab ægris, vel ut secessu prodeant, vel ut in os, & fauces, usque ad nares internas ascendant, ut ipsi ægri digitis sibi eosdem auferre possint; cave tamen, ne pro signo *Dysenterie Malignæ* vermes hos habeas; siquidem & in Epidemicis *Biliosis Dysenteriis* crebro videntur.

Sæpius vomunt, & repetitis quidem vicibus, vomunt ægri viridia, æruginosa, sed sine levamine; aliquando, (malo qui-

E 3

dem



dem omine) vomitu etiam sanguinem eji-
ciunt.

Dolor in intestinis cum periculo pari
passu non ambulat; habentur enim ægri,
qui de dolore prorsus non queruntur, aliis
dolor multum est perceptibilis, intolera-
bilis aliis. Imus venter mox mollis, mox
tensus apparet; secessus mox frequentissi-
mi, & copiosissimi, quod adeo periculo-
sum est, ut post duodecim horas perire
ægri videantur, imo etiam pereant. Mox
nil ferme alvo deponunt, intolerabili tan-
tum tenesmo torquentur, & moriuntur
in tribus, aut quatuor diebus, si secessus
copiosiores non fiant. Alvus variat, mo-
do mucosa, modo ad nigrum, ad flavum,
aut ad viridem colorem vergens, modo
aquosa; sed simul valde frequens; modo
aquoso-sanguinea; sed tunc videtur æger
continuo emaciari, turbari, insensibilis fie-
ri, & plerumque tertia die mori; ali-
quando secessus sanguinei sunt, ali-
quando nigri, mucosi communius cum ad-
mixta materie chocolatam, & sanguinem
referente, sed semper ultra modum fæten-
tes. Secessus frequentes, fætidii cum cre-
scente delirio malum signum sunt; contra
si biliosi fuerint, cum sequente sudore
spem faciunt salutis. Urina stranguriosa,
aut integra illius retentio mox in princi-
pio malum prælagit. Insuperabilis adest
omnium ciborum nausea, & in summa li-
ti, summum potus tedium. Sin.

Singultus, crescens difficultas deglutionis, tensio abdominis, siccitas, & nigredo linguæ, deliquia, gangrænescentes maculæ in variis corporis partibus, vicinam, & inevitabilem plerumque mortem prædicunt. Anxietatis imminutio, mollities abdominis, urinæ deponendæ facilitas, debilitatis decrementum, & potissimum somnus naturalis, sanationem promittunt.

Quamvis in cura cujuslibet Dysentericæ puritatis aëris; omnium vero maxime in *Dysenteria Maligna*, habenda est ratio; quoniam maximum periculum ab impuritate ejusdem, quæ neque diæta, neque medicamentis refarciri potest, dependet; sed & summe necessaria hic est mundities, potissimum si plures una Dysenterici decumbant. Reliquam curam absolvunt ea, quæ in præcedenti Dysenteria laudabam, cum gradu majori solummodo ab ea differat; indicationes cæterum erunt: prostratas vires erigere, (nam exorbitantes in hac non dantur) excretiones languidas promovere, profusas cohibere; demum symptomatibus urgentioribus prospicere. Hic iterum casus est, ubi stimulantia cardiaca, excitantia, vinosa exhibere licet; hic Peruvianus cortex, Arnica, Camphora, Valeriana sylvestris, Angelica, Contrajerva, Serpentaria virginiana, Acida



mineralia &c. pro vâria necessitate, locum habent.

§. XIX.

Intermittentem etiam *Dysenteriam* nominabam, hæc statis tantum horis redit, atque extra paroxismi tempora alvus compressa est; dum vero accessus febrilis adest, *Dysenteria* quoque in conspectum prodit, quæ merito *Febris Intermittens Dysenterica* appellari meretur. Variam utique larvam induere *Intermittentem Febrem* novimus, ut modo forma apoplexiæ, doloris capitis, colicæ, cholericæ fluxus stato tempore modo redeat, idem omnino & hic accidit, dum symptomate *Dysenterico* se manifestat.

In hac profliganda ea omnino methodus est adhibenda, quam natura *Intermittentis Febris* admittit, solventibus, purgantibus, emeticis, roborantibus, stimulantibus, aut aliis quibuscunque datis pro varia indicatione, & necessitate varia; corticis Peruviani usus reliquam conficit curam.

§. XX.

Sub nomine *Dysentericæ Chronicæ* ea venit, quæ tres, quatuor, & ultra hebdomadas sine eo, quod spes adhuc adsit
il-

illius curæ, durat, sæpe per plures menses, imo nonnunquam & anno integro.

Causam agnoscit plerumque medicinam in morbi initio omnem neglectam, aut ejusdem nimis citam abstinentioniam, errores magnos diæteticos, perversam curam, & crebras recidivas.

Adest totius corporis magna debilitas, appetitus valde parvus, concoctio adeo imminuta, ut non modo magna pressio regionis ventriculi post omnem ferme assumptum cibum sequatur, verum sæpe assumpta integra more Lienteriæ, immutata anno ejiciantur. Pulsus valde est debilis, & tardus; dejectiones coloris sunt ejusdem, ut in morbi initio; non tamen adeo copiosæ, dolore paucò, brevi evanido, sub ipsa solum dejectione modice percepto: purulenta aliquando ano redduntur, si alicubi suppurata in intestinis, aut ventriculo pars, in cavum suum pus fundens, materiem hanc eliminet.

Abominanda hæc Dysenterici est species, præ quacunque alia acutissima quamvis specie; remedia siquidem, & spem eludit Medici, atque ægros lentæ quidem, sed vix non certæ consignat morti, eos præcipue, qui florem ætatis superarunt; siquidem hi ex morbi diuturnitate potius, quam ejusdem vi pereunt.

Desinit etiam in morbos alios, potissimum autem in Hydropem.



Dysenteriaë hujus conditio cum *rheumatica*, aut *arthritica materie* comparari bene posse videtur, articulis tumentibus pertinaciter infixa, indeque non dimovenda, ut idem omnino putandus sit morbus, eademque materialis causa, sed dispari fixa loco.

Seçta horum cadavera phlogosim chronicam, & duritiem, rigiditatemque intestinorum crassorum potissimum exhibent.

Cave ne in ea adhibeas medicamenta draustica, eaque continues, sint emetica, aut purgantia; quoniam atterruntur ita ægri vires, neque eum curabis nisi tempore, & apta medela nonnisi cunctando restitues rem; feret opem diætâ tenuis, facta ex lacte potissimum, oryza, radice saleb; jusculis tenuibus carneis; potus sit decoctum hordei, oryzæ, aut panis, vel emulsum amygdalinum; bene induti accedant ægri, & a suppressione perspirabilis materiei quammaxime caveant; identidem propinetur purgans eccoprocticum, cui scopo optime satisfacit purgans mannatum, vel Tinctura Rhei aquosa adeo in tali casu a Cel. Zimmermanno commendata.

Adstringentibus, & opiatibus cautissime est mercandum, & sola rarissime, aut vix unquam sunt exhibenda, teste experientia. Cel. Virorum.

§. XXI.

Quæ hucusque retuli, *Simplicis Dysenteriae* species spectabant; ad *Compositas* jam instituti suadet ratio: horum primo eam oxponam, quam *Rheumatico-biliosam* appellabam, e binis veluti elementis conflata, cujus genefim, & indolem fequentibus complectar.

Ventriculum, & intestina adulta ætate, & ineunte autumno plus solito languere, & forde biliformi gravari non raro, & crebrius, quam aliis temporibus, constat vel in vulgus ipsum.

Saburra hæc temporum viciffitudine, & appetente brumali frigore ab invigolato systemate gastrico lenfim abigitur, immutatur, eliminatur, viis, & modis variis; at funt quibus abundantior bilis infidet, quibus ventriculus eft imbecilior, & quibus materies ea, quam abundare dixi, efficit morbum *biliofum*, e. g. *Biliofam Febrem*, *Choleram morbum* &c.; verum tamen nondum *Dysenteriam*. Fac jam Homini cruditate biliofa laboranti, quæ forte hucusque iners delituiffet, donec annua vice fuiffet inutata; fac, inquam huic Homini corpus perfrigerari, præhendique illa *Dysenteria*, quam fupra descripsi, *Destillatoria*, *Serofa*, *Rheumatica Simplici*, ægrotabit jam talis Homo & *Rheumate intestinorum* a perfrigeratione orto, (quod vel



vel solum Dysenteriae primam speciem facit) & *cruditate biliosa*, quam ipsum rheuma mole auxit, atque acriorem reddidit, quamve gastricum systema ob defluxionem modo irritatum, & exquisitius sentiens, gravissime feret.

Dysenteriae hujus species febre *evidenti* quidem caret, non tamen omni *motu febrili*; atque universim, utut non ignorem Dysenterias febre expertes describi, earum tamen vidi nullam, febre penitus destitutam; verum hi febrem forte, quæ *exigua* fuerat, *nullam* prorsus & Ægri, & Medici putarunt.

En genesein *Compositæ* hujus *Dysenteriae* ex superiori, quam *serosum*, & *simplex rheuma* facit, specie, & ex *materie biliosa commota*, binis illis, quæ mox dixeram elementis.

A *Simplici Rheumatica* sequentibus potissimum distingvitur characteribus. Qui proximis diebus Dysenteriam sunt experturi, ventriculi pondus per aliquod ante morbum tempus queruntur, aut accusant matutinum oris amarorem, aut sudores præter morem nocturnos, nidorosos, & somnum turbatum; quibusdam alvus antea sine torminibus fluit, eaque subsidente suapte, aut intempestive cohibita, accedit hæc *intestinorum difficultas*. Nonnullis abdomen levi subinde, & fugitivo per vices dolore, aut flatu erebro perstringitur,

al-

alvo adhuc ordinata, donec elapsis aliquot diebus, Dysenteria adoriatur; in aliis præcedunt futuri morbi indicia. Morbum vero jamjam presentem ea omnia committantur, quæ biliformem saburram circa præcordia collectam indicant, quæve ex aliorum morborum explicatione aliunde nota abunde sunt.

Ea quæ in *Simplici Rheumatica Dysentiria* allata fuere remedia, cum hac haud congruunt, nisi commotam bilem eduxeris, atque ex composito simplicem feceris morbum.

At non eadem est omnibus ventrem purgandi methodus, siquidem multis vomitoria placent; non pauci pro purgante salino, mannato, tamarindinato, rhabarbarino &c. blande alvum movente, pugnant, efficacius tamen, ut §. XVI. monueram, & plures emeto-catharsis, & vomitorium levat; everso siquidem ita ventriculo, turbæ plerumque suapte, & quin detur narcoticum, componi, & ægri in placidos somnos, atque inter dormiendum in sudores labuntur; unde sic pharmaco bilis abstergitur, & sudoribus rheuma intestinorum.

Pro canone vero statueretur, ut saburra ventrem infimum, & intestina crassa occupans, blande per secessus evocetur, materies contra sursum turgens, atque exitum per os moliens, vomitu, utramque



que viam affectans, emeto-catharsi excutiatur.

Hæc illa Dysenterix est species, quæ propinato evacuante pharmaco, medicinam sopientem, & diaphoreticam amat; talem quoque videtur Sydenhamus, non solo laudando, ut nonnullas alias, sanasse, sed catharsi, eaque repetita, opio primum a purgante propinato, atque in plenam usque sanitatem protracto.

Medentur huic fructus Horræi quicunque bene maturi, fibrosis, & duris eorum partibus rejectis, succus Uvarum largiter haustus, siquidem mitior illa fuerit, nec a saburra copiosissima producta; his enim materies saburræ solvitur, quo opportunior emesi aut catharsi efficitur, vel vero ipsimet purgantis remedii simul vices subeunt, Dysenteriam in Diarrhæam salutarem, & curatu facilem convertendo; Convalescentes tamen a largiori eorundem usu arcendi sunt; utpote nimium debilitantium longuidas ventriculi, firmandas potius vires.

§. XXII.

Frequentissima est combinatio *Dysenterix Biliosæ* cum *Inflammatoria*, ut ex illarum connubio, *Inflammatorio-biliosæ* habeatur *Dysenteria*. In Dysenteria observatur inflammatio sæpenumero, ut superior

loquebar, præcipue verno tempore; sed & in *Febris Biliosæ Dysentericæ* initio quoque, si æger robustus fuerit, bene valens, plethoricus, pleni, stricti corporis; si morbus calido regimine fuerit in initio tractatus, opio, rheo, myrobalanis, aromatibus, adstringentibus, alumine ut Rusticorum hinc inde mos viget, succo catechu, aut vino rubro, apud Plebem adeo in Dysenteria adamoto. Verum illæ quoque Dysenterix solent plerumque *inflammatorii* quid habere, ubi febris reliqua dominans aliquid phlogoseos simul habuerit; quare si æstiva febris tunc temporis dominans, ejus indolis fuerit, ut initio saltem unam alteramve venæ sectionem exposcat, tunc etiam ejusdem tempestatis Dysenteria pariter cum phlogosi erit combinata.

Id universim notandum occurrit, Dysenteriam cujuscunque anni aliquid habere cum morbo dominante communis, cum febre annua, ita quidem, ut ex idea dominantis morbi desummenda quoque sit Dysenterix medendi methodus; ob eandem rationem Dysenterix vernæ plerumque phlogisticæ sunt, amant sanguinis detractionem, mere emollientia, non raro etiam oleosa, rarissime autem emetica, plerumque enim Dysenteria verna ad speciem & classem *Februm Inflammatoriarum* pertinet.

Capi hinc potest, quomodo venæ sectio in Dysenteria laudari a quibusdam, tanquam remedium summe necessarium, potuerit, sine quo vix ullæ possunt Dysenterix sanari; equidem venæ sectionum laudes nimium deductæ fuerunt ad omnes annino Dysenterias, ubi solummodo *Dysenterix Inflammatorix*, & illi, de qua mox agebam, *Inflammatorio-biliosæ*, aut etiam *Putrido-inflammatorix* detractio sanguinis quadrat; sed & Cataplasma emolliens toti abdomini adplicatum fert opem, & totus apparatus antiphlogisticus, donec, absteraphlogosi, evacuantibus sursum, aut deorsum fiat locus.

Unam alteramve hoc anno jam videre licuit Dysenteriam *hujuscemodi Compositam* in toties memoratis Nosocomiis, rariorem *meracam Biliosam*, quæ recensita sua methodo feliciter curabantur.

De Dysenteria *Putrido-inflammatoria* eadem prorsus notanda occurrunt, quæ de *Bilioso-inflammatoria* modo dicebam: id universim in omni complicatione observandum venit, ut urgentiori malo occurratur primo, tum reliqua artis legibus subjiciantur.

§. XXIII.

Supereſt, ut quædam dicantur de aliis morbis, Dysenteriam externo habitu
re-

referentibus, seu de *Dysenteriis Spuriis*, de illis morbis, qui cum *Dysenteriis*, sed satis male sæpenumero, confundi solent.

Dysenteria Exquisita, *Dysenteria Vera*, illa appellari meretur, in cujus descriptione hucusque immorabar; at vero si quocunque anni tempore refinam e. g. purgantem male subactam, & intestinorum plicis postea pertinacius adhærentem quis devorarit, in *Dysenteriae* speciem incidit, æstivæ *Dysenteriae* analogam; idem etiam illis solet evenire, quorum intestina aliud quodcunque acré, aut etiam vermes rodunt; unde frequentissimæ, tenesmodeis, torminosæ, mucosæ, cruentæ dejectiones habentur; erit *Diarrhæa torminosa*, erit *Dysenteriae* species, sed *Dysenteriae Spuriæ*; sic si alvus torminosa ab acri acido, muriatico, rancido, aut putrido, a pure ipso, uti subinde sub ultima Phthiseos tempora cantingit, ab acri ichoroso, ab acri cancroso; prouti fit si ulcus in abdomine hæreat, & ichor, aut pus ad intestina deferatur post inflammata, & suppurata ventriculi, aut intestini partem, aut ex suppurata hepatis portione per ductum hepaticum delata materie sanguineo-biliofa ad intestina, uti & per ductum pancreaticum ad cavum intestinale, ex pancreatis suppurata parte; ab omnibus hisce acrimoniis alvus fre-

F

quens



quens oriētur, torminosa, tenesmodes, seu Dysenteria, sed *Spuria*, Dysenteria toto (ut ita dicam) cælo diversa ab iis speciebus, quas hucusque commemoravi.

Non omnis profecto alvus cruenta, ut alias monui, frequens, torminosa, & tenesmodes, *Dysenteriae* meretur nomen: habentur nonnulli Homines, quibus vasa sanguifera intestini recti, seu hæmorrhoidalia vasa multo sanguine infarcta sunt, quæ distenta, dolorem, pruritus dein in ano, tum borborigmos, demum tormina, αἶμα, & χάρω erumpentes flatus, tandem etiam motus febriles, anxietates, præcordiorum tensiones, & palpitationes excitant, strangulatus humorum, & difficiles sanguinis per abdominalia vasa circulos.

Causa horum symptomatum circulus est, appellamus talem morbum *Colicam hæmorrhoidalem* si alvus nondum fuerit cruentata, & res tota intra dolores colicos consistat; accedit demum alvus frequens, parca, dolorifica, tenesmodes, item intractio ani talis, ut nequidem, aut nonnisi difficillime enema adplicari possit, adest tandem Stranguria, quin & Ischuria ipsa; alvum cruentam, quæ hoc rerum statu sequitur *Dysenteriam* appellare nequitquam convenit.

Cruenta hæmorrhoidalis hæc alvus a Dysenteria distinguitur notis sequentibus:

1^{mo} quod in fluxu hæmorrhoidali adsint symptomata superius descripta, ita ut nulla saburræ biliosæ signa observentur; quæ tamen plerumque observari solent in vera Dysenteria. 2^{do} in fluxu hæmorrhoidali simul juncta sunt tubercula hæmorrhoidalia externa visu, aut interna digito exploranda. 3^{tio} fluxus hic hæmorrhoidalis quocunque anni tempore observari solet, ubi e contra Dysenteria *epidemice* plerumque grassatur, & certas anni partes amat, adultam plerumque ætatem, & autumnii initia infestat; præterea fluxus hæmorrhoidalis non quoscunque invadit; sed nonnullos præ aliis jam sæpenumero obnoxios, secus ac solet fieri in Dysenteria, quæ nullum sexus, ætatis, aut vitæ rationis discrimen agnoscit. 4^{to} Colica hæmorrhoidalis a lumbis incipit, a partibus ano vicinis, sed longe alius symptomatum successus observari solet in Dysenteria; etenim in hac malum plerumque orditur a ventriculo, cardialgia, & a supremis abdominis partibus, interne dolore scindente, torminoso. 5^{to} sanguis in Dysenteria aut purus subinde abit, aut cum fæcibus intime commixtus, in fluxu vero hæmorrhoidali fæces sanguini commixtæ non sunt, sed has aut sequitur, aut præcedit excretio cruenta sanguinis, ita ut fæces, & sanguis seorsim plerumque in excipulo spectentur; sed & alius sæcum

conſpectus eſt in Dyſenteria, ac eſſe ſolet in hæmorrhoidibus; etenim ſæces Dyſentericæ ſunt ſæpenumero ſimul virideſcentes, coloris herbacei, ſæpe mucoſæ, aut mucoſo-cruentæ; in hæmorrhoidibus vero ſolummodo aut mucoſæ, aut cruentæ, nunquam autem, aut rariffime virideſcentes.

In Colica hæmorrhoidali ſi fiant tubercula ſubito, necdum ſanguis grumofus ſit factus, hyrudines applicabis; ſi autem inveterata, & ſanguis grumofus, lanceolæ potius erit locus, ſiquidem abſuerit inflammatio, neque tubercula ſymptomatica, aut ex laxitate fuerint orta.

Conveniunt (inſecura licet ſint, & inflammationem potius ſæpenumero excitent) conveniunt, inquam, aloetica &c., hæmorrhoides pellentia tunc ſolummodo, ſi hæmorrhoides criticæ fuerint; ſi ſcilicet fuerint in aſuetis, ſi facile pelli poſſint, ſi pariter jam aliquot guttæ fluxerint, ſi aliæ aliarum partium hæmorrhagiæ non ſint timendæ; ſed ſanguis verſus hæmorrhoides per ſua ſigna ſolummodo pelli intelligatur, nullaſque ſigna adſint, viam ſumere verſus Pulmones, Caput &c.; ſi in mucoſis, pituitofis &c.

Alius itidem morbus eſt, qui minus expertis *Dyſenteriam* mentitur; obſervantur Homines, quorum ſanguifera vaſa non in recto ſolummodo intestino, ſed in ileo
quo-

quoque, in jejunio, in duodeno, in ipso adeo ventriculo sita, varicosa hinc inde sunt, quibus hæc vasa intestinorum, & ventriculi multo sanguine turgent, quemadmodum in Fæminis e. g. gravidis crura varicosa, & femora conspiciuntur; suapte rumpuntur varices, & sanguinem fundunt, sic etiam intestinorum varices, & ipsius ventriculi rumpi nonnunquam assero, quæ dein affectio varia, prout vario in loco hæc vasorum varicosorum fit ruptura, sortitur nomina; quare si e. g. varicibus intestini recti disruptis, sanguis alvo prodeat, cum symptomatibus paulo antea descriptis; morbus tunc appellabitur *fluxus hæmorrhoidum internarum*; si vero intestini coli, cæci, ilei, aut jejuni varices sanguinem fundant, affectio talis simpliciter *cruenta alvus* audit; quod si grumosus alvo sanguis reddatur, *atræ bilis per alvum dejectio* tunc dicetur; si ventriculi varicosa rumpantur vasa, *vomitus cruentus*, ita simpliciter dictus, habebitur; si demum sanguis is ipse vomitu rejectus grumosus sit, piceusque *atræ bilis rejectio per os* vocabitur, seu etiam alio nomine *Morbus Niger Hippocratis*: alvus ejusmodi cruenta a varice cujusdam intestini altius locati male cum Dysenteria confundetur; sed alia, prout mox notavi, sortitur nomina, sua quæquæ methodo auferenda.



§. XXIV.

Quanta eaque sibi opposita ex hucusque ennaratis combinari non possunt? cur diversis annis diversa sit eidem Authori commendata antidynterica methodus? eam certe ob rationem, quod diversis annis, diversa fuerit Dynterix complicatio; itidem cur eodem sæpe anno diversa pariter ab eodem Medico medendi methodus adhiberi debuerit? ratio inde petenda, quod eodem anno diversa sæpe species Dynterix regnet, modo *Biliosa*, *Inflammatoria*, *Putrida* &c. modo; sed & id patet, quare non eadem in eodem Homine, & eodem in morbo medendi methodus valeat; novimus enim & diversa Dynterix stadia, & diversas Dynterias etiam sese invicem excipientes eodem in Homine.

Quam male igitur eandem in omni Dynteria medendi rationem sequuntur ii, quibus nomina pro rebus sunt, & quam vana spes sit remedii *universalis Antidynterici* ex varia hucusque descripta Dynterix specie in confesso est; sed remediis variis in cura Dynterix opus esse constabit morbi diversissimam faciem non ignorantibus.

Quare nec *Radix Ipecacuanbæ* ut illius Inventori, vel potius primo Encomiastæ Helvetio est visum, *specifici* quid pos-

possidet, cujus vis omnis residet in emesi, & forte etiam in vi parumper roborante. *Vitrum Antimonii ceratum* vim eam *specificam* habet, quam omnia emetica; emeto-cathartica; accedit quod illius usus infecurus sit ob notas jam in chemicis rationes; etenim certa dosis hujus vitri determinari nequit, etiam si a gr. V — X. ad XV. propinetur, cum pro diversa præparatione, modo plus, modo minus sit cera involutum, atque adeo mox plus, mox minus sit drasticum. Egregia eodumtaxat in casu remedia, ubi primæ viæ colluviem materiæ pro causa habent, vel ubi derivata aliorum materia, naturaliter alvo exitura, diathesis diarrhæica, aut dysenterica intestinorum tollitur.

Neque *Simarubæ cortex*, aut *Lysimachia* planta cum reliquis *Adstringentibus*, ipsis adeo variis *Boli* speciebus; sed celebranda modo in ea morbi specie, quæ a nervorum irritabilitate, aut etiam laxitate oritur; *Bolus* præterea innocua lenitate quamvis acrimoniam demulcendo, simul involvendo acre irritans dejectiones alvinas partiores reddit; secus enim Lupum in stabulo claudentes augent malum; tormina, febrim, calores, dolores præcordiorum, hæmoptoën causant, intestinorum inflammationes, & lethalem gangrænam; vel præcipitant ægrum in Colicam chronicam cum summa alvi constipatione, in



Hæcticam, Ictërum, Tympanitidem, Hydropem (fff).

Neque *Radix Saleb Antidysenterica* est, nisi in casu inflammatorio, & ubi mucî intestina naturaliter oblinientis ac defendentis defectu, Dysenteria continuat; eadem ratione oleosa, demulcentia, & alia mucilagînosâ quatenus involvunt acre, ut stimulare ultra non possit, vel quatenus intestinorum nervos ita defendunt, ut stimulo affici ultra nequeant, vel dum quid inflammatorii adest, *Antidysenterici* nomen merentur; his *Sebum Caprinum*, *Ceratum rosaceum* Galeni, & *Ceram albam* liquatam in lacte juxta Degnerum quoque adnumera.

Opio ipso *specifici* in Dysenteria nulla est prærogativa, nisi quod expulso hoste, aut multum saltem enervato, irritatos nervos pacet, sicque motum peristalticum exorbitantem moderetur, & solutis intestinorum spâsîmis, ventris tormina, vi flatuum producta, compescat, vel & Dysentericæ primam speciem, perspirabile movendo, sopit.

In *Rheo* quoque nulla est *specificâ vis* quærenda, idem paulo rarius convenit quacumque detur ratione, & forma, præcipue febre majori præsentē; tunc
tan-

(fff) Zimm. de Dysent. c. 7.

tantum locum habiturum, dum evacuare, & roborare simul erit indicatio: de *Myrobalanis* idem propemodum puta.

Sunt qui specificè *Sperma Ceti*, *Priapum Tauri*, & *Cervi*, pulverem e C. C., aut *Cranio humano*, *ossis Sepiæ*, *Ceræ hispanicæ* laudant, alii *Aquam rosarum*, in qua solutum est *Aurum*, alii exsiccatas, & pulveratas Equæ *Secundinas*, alii intincti *lindei* in sanguine *Leporis*, morfu canis interfecti, exsiccati, & in vino macerati usum celebrant, alii vel ipsum *Arsenicum*, alii alia similia, quæ quantum in *Dysenteria* valeant, & quam parum *specifici* mereantur nomen, is facile noverit, qui & naturam morbi, & horum perspectas habuerit vires.

§. XXV.

Quosnam exitus *Dysenteria* communiter habeat, paucis exponam: ii vero ut morborum omnium, sunt vel in sanitatem, vel in alium morbum, aut denique in mortem.

In plerisque, nisi *Maligna* fuerit, si bona accedat methodus, abit directæ, & optata via in sanitatem.

In aliis indicata methodo, seu evacuante, seu antiphlogistica, aut quacunque alia consopitis torminibus, alvus subinde fuit indefinenter diebus multis, quin &



septimanis integris Dysenteria in *Diarrhæam* abeunte, bonam quidem nisi diuturnior esset, & ob amissum intestinorum robur, difficulter supprimeretur, & prohiberet convalescentiam, eamque tardam, difficilemque redderet.

Radix Arnicæ pulverata, aut infusa compluribus cum emolumento exhibetur, quibusdam tonica quoque alia, aliis & Arnica, & tonica: augent alia quæcunque *Diarrhæam*, sensilissima intestina stimulando mechanico more, prodest mucilaginosum quoddam remedium, opiato ad vesperam interposito; sæpius Vesicans ipsum cum levamine applicatur.

Dysenteria subinde plurimum remittit, ut & secellus rariores sint, & vix torminosi, dolore brevi evanido, & sub ipsa solum dejectione percepto, sed multis septimanis durantes, difficilesque curatu, *Dysenteria* modo *Chronica* priorem excipiente, de qua uberius §. XX. non nihil agebam.

Morbi articulorum chronici post illas Dysenterias vel maxime observantur, quæ intempestivo opiatorum usu fuere compressæ, rheumate intestinorum subito evanescente, atque delato ad articulos, delato ad humerum, nucham, occiput, manuum carpos, genua &c.

Interim non scio, an non sit hæc felix morbi conversio in *articularem*; videtur

tur profecto facilior, comodiorque curatio *articularis*, quam *Dysenterici* gravioris potissimum morbi, non vero *Simplicis* e. g. *Biliosæ Dysentericæ*, utpote quæ & cito, & multo facilius, ac *articularis* morbus medelam admittit, utut optima sit illa curatio, ubi morbus *Dysentericus* absque methastasi sanatur.

Subinde Pulmones ægrotare veluti *Catarrho* incipiunt, ut primum a Dysenteria mitius habetur æger, aut ex eadem convalescit: quibusdam a Dysenteria *aures tinnunt*, cum aliqua surditate. Rarius morbo intestinorum jam curato, malum ad *Ventriculum* vertitur, ubi *ingens* quasi *pondus* percipitur.

Nonnunquam mitigatis jam Dysentericis symptomatibus, pectus valdopere opprimi, aut latus velut *Pleuritide* affici incipit, citra tamen magnam, ac manifestam febrem, rheumate modo in pleuram, aut musculos intercostales irridente: Phthisis causatur sæpius quædam *Spuriæ* species, plerumque tamen sanationem admittentis: præcipue si cura lactea, aut potius ea, quæ sero lactis, lacte ebutyrato absolvitur, accedat.

Fixum subinde hoc rheuma uni loco adhæret; nonnunquam vero vage, atque errabunde discurrit, ut modo hanc, modo aliam vellicet partem.



Intra non multos dies hæc destillatio evanescit, in quamcunque demum pertem ceciderit, sua sponte, seu etiam aptis remediis.

Huic scopo diaphoresis movenda potu tepido, floribus sambuci medicato, & stibio diaphoretico non abluto; decocta radice bardanæ &c., serum lactis, etiam admotum vesicans, profunt.

Crurum oedema, quod diuturnum alvi fluxum excipit, stomachica, invigorantia, frictio, & tempus tandem ipsum dispellit. At caute invigorantibus mercandum docet experientia, suadet ratio; ne dum corroborare ventriculum est animus, eidem ingerantur, quæ nimia sint, aut mole ipsa, aut vi; languidissimum enim æque, ac debilissimum ventriculum mitissima tantummodo tonica reficiunt, offendunt fortiora. Diæta medicatrix, & auxilium ab ipso tempore petatum, potiora sunt hoc alvi fluxu laborantium, indeque convalescentium adjumenta.

Ad Vesicam morbus nonnullis decumbit, ita ut Dysenteria repente subsistat, orta ingenti *mingendi difficultate*, aut etiam *lotii plena suppressione*; alii sanata alvo, *pondus* tantum in *pube* percipiunt: nonnulli Dysenteria vigente adhuc *molestè mingunt*.

Dysuriam post Dysenteriam emollientia, emulsa interne assumpta, ad putem

cataplasmatibus emollientibus applicatis, feliciter tollunt.

Est quoque Dysenteriae exitus in *Hydropem* in sexu potissimum sequiori, post *Dysenteriam Chronicam* præprimis insequentem.

Sub ultimos Dysenteriae dies, eaque in alvi indolentem fluxum faciscente, plerisque crura, subin & femora albo phlegmate intumescunt; nonnullis abdomen quoque, & universum corpus. Quibus solum pedes, & crura tumida adparent lenia tonica, grata cordiaca, amara &c., & crurum frictiones aromaticæ, atque tempus ipsum remedio sunt; quibus autem totum corpus intumescit laboriosior est cura: juvat somnus parcus, exercitatio pro viribus corporis, diuretica ex mitioribus, ubi præprimis extractum *Lactucæ virosæ* suas laudes promeruit.

Sed etiam *Biliofa* potissimum *Dysenteria* desinit in *Dysenteriam Intermittentem*, aut etiam in *Febrem tertianam* sine Dysenterico symptomate, vel denique in *Dysenteriam Putridam*, de quibus, abunde superius me egisse, credo.

Dysentericorum symptomatum agmen plerumque *Tenesmus* claudit, diuturnus subinde compluribus septimanis observante Sydenhamo ægros excruciat; videtur idem omnino morbus esse cum Dysenteria, sede solum diversus, & magnitudine minor,



nor; si enim potior crassorum, Colique præcipue intestini tractus, quam præcipuam, potiolemque Dysenteriaë provinciam §. IV. ostendebam, eo rheumate, atque eo modo laboret, quo id ad constituentiam *intestinorum difficultatem* requiri superius ostendebam, Dysenteriam adesse in confesso est; rheumate autem Dysenterico sua ampliori illa sede moto, atque intra angustos solum intestini Recti, aut ejusdem extremæ tantum oræ cancellos concluso, *Dysenteria Recti* solummodo intestini aderit, sive mutato nomine *Tenesmus*.

Ea Tenesmum levant, quæ morbum principem sanant, evacuantia *αρω*, aut *χαρω*, potus emollientes, enemata emollientia, emolliendo discutientia, venæ sectio, hyrudines, pro intensitate, & indole mali ægros solantur; imo & vesicans ad os sacrum positum, eo scopo, ut materies rheumatica ibi fixius hærens evocetur, nonnunquam etiam laudani usus per plures septimanas, more Sydenhamiano, fert opem; qui si tamen omnibus his applicatis protrahatur, curatur solo tempore.

Verum alia quoque habetur *Tenesmi* species ab hæmorrhoidum tumore dolente, ab hæmorrhoidum irritatarum tuberculis.

Hæmorrhoidalis hic *Tenesmus* in Viris, iisque robustioribus frequentius observatur,
fre-

frequentius quoque in Dysenteria autumnali, quam æstiva.

Tenesmo hujusmodi medetur emulſio, & mere emollientia ore aſſumpta, injecta ano ea copia, ut retineri poſſint, etiam hyrudines applicatæ; abſtinendum vero ab opiatīs, utpote malum augentibus.

Denique *Teneſmus* aſſe poteſt a locali inteſtini Reſti inflammatione idem irritante, aut etiam ab eodem inteſtino exulcerato, quæ propriis noſcenda ſignis, & propria methodo aliunde nota ſananda veniunt.

Ultimus denique, iſque lugubris Dyſenterix eſt exitus in mortem, in vigore morbi, mali magnitudine potiſſimum in *Dyſenteria Inflammatoria*, aut *χεχεαι-
υγία*, vel tabe, evacuatis diuturnitate morbi humoribus, vel in corpore cacoſchymico gangræna inteſtinorum necat, potiſſimum vero fatali inteſtinorum *Eryſipelate*, *Eryſipelate* potiſſimum *Bullato*; noſcitur volutatione, jaſtitatione, dolore intolerabili, accerrimo, eodem ſubito, & ſine cauſa remittente, manente pulſu debili, intermittente, celeri, ſudore largo, frigido, univerſali, in magnas guttas collecto, extremorum frigore marmoreo, apice naſi, & linguæ frigido, facie hippocratica, manente acie mentis, imo aucta non raro, delirio placido, taciturno, atonia inteſti-

norum, methæorismo gangrænolo, alvò fætida, cineritia, ichorosa, livida, nigra, cadaverosa, fæcum sine sensu ægri demissione; plurimum quoque ad hanc diagnosis confert, si alicubi externe prius adfuerit, vel actu adlit *Erysipelas*.

§. XXVI.

Nullam certiores *Prophylaxim* novi, quam quæ æstuantis corporis, & profusius perspirantis refrigerium repentinum, & auræ frigidioris adflatum vitat; novi optime, perfrigerationem præcipuam esse excitantem morbi Dysenterici causam, hinc quandiu hæcce ægroto applicata manserit, tamdiu nulla spes curationis, etiam exquisitissimis remediis in auxilium vocatis, supererit: difficillimum quidem est ægrum a perfrigeratione cohibere morbi tempore, cum sæpe vigesies, quadragesies, etiam centies una nocte surgant ad deponendam alvum; quare surgendo continuo male contacti, nudis pedibus noctibus sæpe perquam frigidis, morbi causas identidem de novo repetunt; juvat igitur ægros tibialibus, aut vestitu alio contra frigus nocturnum potissimum munire, eamque rem non inter levioris momenti cautelas reponerem; verum inter illas, a quibus potissima curationis pars dependet; quare solaminis plurimum experiuntur, si in lecto

lecto manere jubeantur ægri, iisque supponantur excipula, in quæ vel decumbentes alvum ponant, si præterea dolens abdomen molli, eoque tepido cataplasmate foveatur.

Vitatio ejusmodi refrigerio, cruditatem quoque, & saburralia vitia vitanda sunt, quæ licet Dysenteriam sola non producant; corpus tamen debilitando, invitant eandem, redduntque graviores præsentem.

Proderit quoque præter hanc perfrigerationis, & cruditatis fugam, leni tonico vim primarum viarum sustinere, si fors debiles fuerint.

Frustra quæritur remedium *prophylacticum* Dysenterix in *frequenti alvina purgatione*; hanc siquidem noxiam potius arbitror, nisi præsens saburra eandem poscat; vires enim ventriculi, & intestinorum æstivis caloribus remissiores, crebra purgatio frangit magis, & rheuma tanquam ad partem *debiliorem* invitat.

Æque parum a Dysenteria præservantur, qui *frequenti vomitione* ventriculum per vices subvertunt Dysenteria grassante, nisi forte adsit jam cacoachylia exantlanda; verum tunc non *prophylacticum*, sed *curativum* erit remedium.

Minus prodest temporibus Dysentericis *viæus repentina mutatio*, ubi quidam omnem victum animale ad aliquod tem-



pus seponunt, vino penitus, cui antea adeo assueti erant, seposito; verum prout ubique, ita & hic repentina mutatio nocet potius, quam ut a malo præservet, excitantis etiam causæ vices agens.

Summe autem prodest, prout in quocumque alio morbo, ita quoque tempore Dysenterico nil commoveri, æquo esse animo, nil timere; siquidem timor peior est, magis noxius, quam pessimus quicumque aër; sanos morbo, ægros morte sæpissime plectit; timor profecto, æque ac tristitia commiserandos effectus in sanis producunt, infinities vero peiores apud ægros causabunt.

§. XXVII.

Coronidis instar eam adferam analogiam, quam Dysenteria cum morbo Rheumatico agnoscit, ut palam fiat quam in re affinitas horum consistat: dico materiem eandem omnino esse in Dysenteria, quæ esse solet in rheumatico morbo, adeoque utriusque mali causam materiale omnino esse eandem, forma solum uterque morbus variat; cum in rheumatico dolor articulos occupet, aut carnes inter articulos medias, vel illarum membranas; in Dysenteria vero idem rheuma intestinorum membranas invadat: quod ut clarius patefiat, varias utriusque morbi alternatio-



tiones, varias mutationes alterius in alterum recensebo.

I. Artuum rheumatismos videre contingit repente sublato oborta Dysenteria; vidi equidem anno præterito rheumaticum tumorem in Fæminæ genu in Nosocomio SS. Trinitatis, qui, oborta per noctem Dysenteria, ferme omnis evanuit; sic quoque Febris Rheumatica nonnunquam subito cessat, orta postmodum Dysenteria, ita quidem ut Febrim talem Dysenteria excipiat. II. Dysenteria subito cessare est visa utprimum carpi, aut genua intumescere, doluerique ad eum modum, quo a Febre rheumatica solent, in artus incurrente. III. Non raro eundem Hominem & Rheumatismus vexat, & Dysenteria. IV. Par quoque utriusque morbi est frequentia eadem tempestate, ut alios Rheumatismus, Dysenteria alios affligat. V. Eadem medendi ratio in utroque morbo valet, idem etiam est habitus symptomatum, si ea exceperis, quæ ob affectæ partis *diversitatem* necessario differre debent. VI. Dysenteria non infrequenter sudoribus, aut efflorescentia miliari, aut utraque ratione judicari, & solvi solet, quod sæpe numero in Rheumatismis quoque observatur.

Quare Dysenteria non ob remotam quamdam analogiam, & per metaphoram, sed *vere ac genuine Rheumatismus intesti-*



norum dicetur, suntque hi duo morbi *Soboles* ejusdem *Matris*.

Verum analogiam hanc suadet quoque diversa *Rhenmatis* species collata cum varia specie *Dysenteriae*.

Novi *Rheuma Simplex*, *Serosum*, dolores articulorum brevi evanidos, curatu faciles, *Coryzas* a perfrigeratione non magni momenti, *Catarrhos* leviores, *Rauces* in *Hominibus* cæteroquin bene valentibus ab aura frigidiorē, quæ forte sudantes afflarat, absque febre, curandos regimine tepido, aliquantum diaphoretico; sed & constat dari *Dysenteriam* ejusdem prorsus indolis, quam *Serosam*, *Simplicem* superius nominabam curatu facillimam potu tepito, & solis lenioribus diaphoreticis.

Alia est *Rheumatis* species *Rheuma Biliosum*, a quibusdam etiam *gastricum* appellatum.

Neque hoc novum est, aut nuper conspectum, sed *Homini* vel mediocriter docto notum, & jam dudum cognitum; *Ophtalmiæ* enim *gastricæ*, & *Odontalgia* saburrales, *Cephalalgia* gastrica, *Rheuma* artuum biliosum, aliæque aliarum partium fluxiones, quæ a sordibus ventriculi nascuntur, nonne vulgata nomina jam sunt, & ex ipsis rerum, causarumque visceribus petita? fluxiones hæ vel nulla, vel obscura solummodo febricula committantur,

molestiam potius quandam, quam morbum arbitrantur, qui sic ægrotant.

Horum ventriculū acrior bilis ferit; sed quæ tota intra eundem collecta non manet; tenuior enim ejusdem portio ejus veluti aura quædam intra alveos circumeuntium humorum suscepta, vel ad varia corporis cola defertur, eliminaturque, vel vero in itinere suo oberrat, atque alicubi adhærescit. Quod si id Pulmonibus contingat, Catarrhum habebis ex primis viis ortum; si in membrana Narium, Coryzam &c.

Fac jam habitum illum biliosum, intra circumeuntes humores susceptum, ita suo cursu deviare, ut ad opportunum quoddam colatorium non appellat, aut forte per poros cutis exitum moliens, admissio frigore reperiatur, neque tamen, uti antea posui, Pulmonibus infigatur, aut Naribus, sed decumbat ad ipsum Intestinorum corpus, ad mesenterium &c., *Catarrhum habebis intestinorum*, aut eorundem *Coryzam*, seu *Dysenteriam*, eamque speciem, quam *Simplicem Biliosam* dicebam.

Sola ventriculi, & intestinorum saburra biliosa, absque eo rheumate, & intra cavum intestinale solummodo contenta, alvinum forte fluxum fecisset indolentem, aut dolentem etiam, si quidam materiæ



fuiſſet acor; ſed ejuſmodi *Diarrhæam*, utut fortasſe, acore poſito, *torminoſam*, diverſam arbitror a Dyſenteria, cujus creberrimæ quidem, & torminoſæ ſunt dejectiones, ſed ferme irritæ, ut fæcum ſecedat plerumque nihil, ſanguis vero, & mucus vi exprimatur.

Sed & frequentes ſunt *dolores articulorum* ex primis viis agnoſcentes originem ſine notabili aliqua febre.

Uterque hic morbus antibilioſa, ſolventi, evacuanti methodo etiam longiori tempore continuata tollitur.

Rheumatismi aliam conſtituit ſpeciem *Rheuma artuum pertinax*, & *diuturnum* initio febrile, & cum afflictae partis tumore, atque febre licet proſtigata, diutius nihilominus dolorificum; quodve, ni exquisita methodo ſuccuratur, articulos ſero tandem a dolorum cruciatu liberat, & eos relinquit ad motum ineptiores, rigidiores, tuberoſos, tumidos, & per omnem fere vitam veluti ſemidiſtortos.

Non diſſimilis Dyſenteria habetur ad notas ſanandi leges rebellis, & cum hac pertinaci fluxione articulorum apprime conveniens, *Dyſenteria Chronica*; ſero dolor abdominis valedicit, longiſſimamque omnium moram trahit, ſano reliquo abdomine, in Recto inteſtino, quod aſſiduo *Teneſmo* mucum termulum lineis ſan-

gui-

guineis pictum exprimit. Tenesmus hic diutissime durat, nisi ad aliam partem delato malo, quando subito cessare est visus: aliis Dysenterico dolore cessante, alvus nihilominus indolenter, & assidue fluit multis septimanis; omnibus incassum tentatis Ægri aut Hydropici, aut consumpti ab assidua, aquosa, chymosa dejectione pereunt.

In sectis horum cadaveribus intestina præprimis crassa, solito multo crassiora, rigida, coriacea, at nullibi ulcerata reperiuntur.

Idem profecto hic intestina patiuntur ab inveterato rheumate, quod articulis ab eodem accidere mox dicebam, tumidis manentibus, tuberosis, ac rigidis effectis, & ad motum ineptioribus; obliterated scilicet intestinorum absorbentibus vasis, rigescentium, durorum, alvus absque terminibus, & assiduo manans, Hydropem inducit, & consumptionem.

Aliud quoddam genus est destillationum æstate, & sub initia autumnii sæpe conspectum, *Erysipelatodes*, urentissimum, quod vel levissime digito contrectatum, ejulatus ægro exprimit, sub vesperam & noctu crudelius sæviens, & septicum; eos præ cæteris potissimum invadit, quorum corpora jam antè morbum prava succos fecerunt.



Sed etiam Dysenteriam non abfimilem videre est in Cacochymicis, gravissimam, lethalem, atque id solum boni habentem, quod rarius observetur.

Ejusmodi Dysenterici ardorem abdominis, eumque intensissimum, assiduum, contrectationis vel mitissimæ impatientem vel primis morbi diebus, anxietatem miram, & jactitationem; creberrimas, mere, sed obsolete sanguineas dejectiones; pulsus sæpe magnos, vibratosque, sed nunquam valde acceleratos, subinde autem tenuissimos exhibent. Vena secta laudabilem, absque ulla crusta phlogistica, & absque dolorum levamine sanguinem exhibet, sub frigidissimo artuum frigore, & plusquam cadaveroso, internis caloribus se peruri queruntur; potus gelidi inexplabile desiderium; lingua sicca, hirsuta, & ipsa quoque frigida; mentis constantia, & dolorum sensus usque ad ultimum ferme vitæ diem.

Mucilaginosæ, tepidæ, crebræ potiones, & abdominis fectus assidui rarissime æque profunt, ac emesis, aut catharsis; solis quippe antiphlogisticis acre inflammans intestina tolli non potest, evacuantia dare vetat incendium, quo intestina, omentum, mesenterium desflagent.

Tertia quartave die plerumque marmoreum illud; humidumque frigus artus

om-

omnes occupat, sudore gelido in magnas guttas collecto ubertim manante, præprimis in collo, & facie: septima, atque octava die, dejectionibus & rarioribus, & melioribus, nec torminosis, at ore aperto, oculis coniventibus taciturne deliri, & neglectim cubantes nona aut decima die pereunt.

In sectis cadaveribus Cæcum, Colon, ejusque potissimum transversa portio, & quæ per sinistrum latus descendit, itemque intestinum Rectum crassas, & carnosas membranas habent, duras & tumefactas; color autem plumbeus, & luride ruber apparet: mesenterium, & omentum obsoleta, & late diffusa rubedo inficit, hinc inde altius intra eorundem viscerum substantiam demissa. Dissectus intestinorum canalis villosam tunicam profundo, & tristi virore imbutam exhibet, quem nec aqua eluit, nec spongia abstergit. In nonnullis cadaveribus hic viror non observatur, cum intestina interea fœde rubeant, & luride rubente sanguine manent. Glandulæ quædam mesenterii ex inflammatione tument, referuntque grumos sanguinis. Rariora, & leviora, aut etiam nulla vitia reperiuntur in tenuibus intestinis.



Rheumatismos *inflammatorios*, atque etiam inter se *complicatos*, *compositosque*, aut diversas rheumatum species *sibi invicem succedentes*, ea ipsa tempestate spectare licuit, qua *ejusdem* omnino *indolis* Dysenterix grassabantur, & eodem modo sanare, quo populari intestinorum morbo medebatur.



THE-

T H E S E S.

I.

Quamvis Dysenteria morbo
faburrali jungi possit.

II.

Illa tamen si *Vera* fuerit
non est faburralis morbus.

III.

Utpote, quæ causam proxi-
mam in cavo intestinali agnos-
cit minime.

IV.



IV.

Talis enim pro *Spuria Dysenteria* militat.

V.

At illa intra tubi ejusdem membranas *Dysentericum* stimulum fovet.

VI.

Et bene illam *Rheumatismum intestinorum* dices.

VII.

Non semper eadem in omnibus, & omni anni tempore observatur.

VIII.

Sed diversas agnoscit species.

IX.

IX.

Omnis tamen *epidemice*, vel *sporadice* grassatur.

X.

Quare *contagio* more Variolarum, Morbillorum, Luis Venereæ, Scabiei, caret.

XI.

Curabit eandem is facile, qui illius variam discriminare naturam bene noverit.

XII.

Malam contra faciet medicinam, qui omnes Dysenterias eidem methodo subjecerit.

XIII.

Siquidem nullum *universale Antidysentericum* admittendum esse,



esse, varia illius suadet facies.

XIV.

Male in purgantibus, vomitoriis, mutato vitæ genere *prophylaxis* illius quæritur.

XV.

Quoniam hæc morbum subinde invitant potius, quam ut ab eodem præservent.

XVI.

Tutius in fuga suppressi-
onis materie perspirabilis,
cruditatis, & timoris contagii.



X

Salon Friedrich

Df

In medicamentis compitis

in Placenta sunt ad
provarischi Butantia
congrua Virtute & usu

in Dobro 1783 Lyth

Separatione ligata
